

Barcode - 9999990330560

Title - Biraha Ed.5th

Subject - LANGUAGE. LINGUISTICS. LITERATURE

Author - Roy, Dwijendralal

Language - bengali

Pages - 120

Publication Year - 1930

Creator - Fast DLI Downloader

<https://github.com/cancerian0684/dli-downloader>

Barcode EAN.UCC-13






















# বিয়

নাটিকা

ধ্বিজেন্দ্রলাল রায়



গুরুদাস চট্টোপাধ্যায় এণ্ড সন্স,  
২০৩/১১, কর্ণওয়ালিস স্ট্রীট, কলিকাতা

বৈশাখ—১৩৩৭

আট আনা

प्रकाशक  
श्रीहरिदास चट्टोपाध्याय  
उत्तरदास चट्टोपाध्याय प्रिन्टर्स  
२०७/११ कर्णव्याजिनी स्ट्रीट  
कलकत्ता

पঞ্চम संस्करण

प्रिन्टिंग ऑफिस: श्रीहरिदास चट्टोपाध्याय  
उत्तरदास चट्टोपाध्याय प्रिन्टर्स  
२०७/११ कर्णव्याजिनी स्ट्रीट, कलकत्ता

# উৎসর্গ

কবির শ্রী রবীন্দ্রনাথ ঠাকুর

মহোদয় করকমলেশু ।

বন্ধুবর !

আপনি আমার রহস্যগীতির পক্ষপাতী । তাই রহস্যগীতিপূর্ণ এই নাটিকাখানি আপনার করে অর্পিত হইল ।

সব বিষয়েরই দু'টি দিক আছে—একটি গম্ভীর, অপরটি লঘু । বিরহেরও তাহা আছে ! আপনি ও আপনার পূর্ববর্তী কবিগণ বিষাদবেদনাপ্রসূত বিরহের করুণগাথা গাহিয়াছেন । আমি—“মন্দঃকবিষশঃপ্রার্থী” হইয়া বিরহের রহস্যের দিকটা জাগাইয়া তুলিবার চেষ্টা করিয়াছি মাত্র ! আপনাদের বিরহ-বেদনাকে ব্যঙ্গ বা উপহাস করা আমার উদ্দেশ্য নহে ।

আমাদের দেশে এবং অন্তর অনেকে হাস্যরসের উদ্দীপনাকে অবধা চপলতা বিবেচনা করেন । কিন্তু তাহাতে বক্তব্য এই যে, হাস্য দুই প্রকারে উৎপাদন করা যাইতে পারে । এক সত্যকে প্রভূত পরিমাণে বিকৃত করিয়া, আর এক প্রকৃতিগত অসামঞ্জস্য বর্ণনা করিয়া । যেমন এক, কোন ছবিতে অঙ্কিত ব্যক্তির নাসিকা উল্টাইয়া আঁকা, আর এক, তাহাকে একটু অধিকমাত্রায় দীর্ঘ করিয়া আঁকা । একটি অপ্রাকৃত—অপরটি প্রাকৃত বৈষম্য । বায়ু বিশেষের উত্তেজনা দ্বারা হাস্যরসের সঞ্চার করা ও চিমটি কাটিয়া করুণরসের উদ্দীপন করা

একই শ্রেণীর ! হাঃ হাঃ হাঃ করিয়া বা মুখভঙ্গী করিয়া হাসানর নাম  
 তাঁড়ামি, এবং ওগো মাগো করিয়া ভূমিতে লুষ্ঠিত হইয়া কারুণ্যের উদ্বেক  
 করার নাম ঞ্চাকামি । তাই বলিয়া স্নহস্নহমাত্রই তাঁড়ামি বা করুণ  
 গান মাত্রই ঞ্চাকামি নহে ! স্থানবিশেষে উভয়েই উচ্চ স্নকুমার কলার  
 বিভিন্ন অঙ্গমাত্র । আমার এই গ্রন্থে উদ্দেশ্য—অন্নায়তনের মধ্যে বিরহের  
 প্রাকৃত হাস্যকর অংশটুকু দেখানো ! তাহাতে আপনার ও আপনার ঞ্চার  
 সহায় ব্যক্তির চক্ষে যৎসামান্য পরিমাণেও কৃতকার্য হইলে আমি শ্রম  
 সফল বিবেচনা করিব । অলমতি বিস্তরেণ ।

শ্রীবিজেতুলাল রায় ।



# বিবরণ

## প্রথম দৃশ্য

[ স্থান—গোবিন্দের বহির্বাটী। কাল—দেড়প্রহর দিবা। করাসে বসিয়া গোবিন্দ ও তাঁহার বন্ধুত্রয়—বংশী, গদাধর ও পীতাম্বর আসীন। গোবিন্দের কোলে বাঁয়া, পার্শ্বে ডাহিনে, পীতাম্বরের হস্তে বঙ্গবাসী, গদাধরের হস্তে ছঁকা ও বংশীর মুখে চুরোট। ]

গদাধর। তুমি কিন্তু বেশ গোবিন্দ বাবু! তোমার একবারে দেখাই পাবার যো নেই।

বংশী। আমাদেরও ঘরে স্ত্রী আছে। আমরাও একদিন নতুন বিয়ে করেছিলাম। কিন্তু গোবিন্দ বাবু! তুমি যে রকম বিয়ে করে' চললে, এ রকম চলানটা কখন চলাই নি। [ পীতাম্বরের দিকে চাহিয়া ] কি বল ভায়া?

গোবিন্দ। [ সস্থিত মুখে, তবলায় চাটি দিতে দিতে ] কি রকম?

গদাধর। কি রকম আর! যেমন দেখছি। প্রথমতঃ বিয়ে কলে তা আমাদের একবার বলে না! আমরা কি তোমার স্ত্রীটিকে কেড়ে নিতাম?

বংশী । না, রসগোল্লার মত টপ্ করে' গালে পুরে দিতাম ?  
[ পীতাম্বরকে ] কি বল ?

গদাধর । তার পর, না হয় না বলে' করে বিয়েই কল্লে, কিন্তু দার-পরিগ্রহ করে' যে বন্ধুবর্জন কর্তে হবে, এমন কোন কথা আছে কি ? সন্ধ্যার পর, ও দেখা পাবার যো নেই, কিন্তু সকালেও কি বেরোতে নেই ?

বংশী । না কেউ ছোট একটা মাথার দিব্যি দিয়ে বলেছে, বেরিও না ? কি বল পিতু ? তুমি যে কথাই কও না হে ?

পীতাম্বর । তৃতীয় পক্ষ বে । সেটা যে তোমরা ভুলে বাচ্ছ ।  
[ এতক্ষণ একাগ্রচিত্তে বঙ্গবাসী পড়িতেছিলেন । কাগজ রাখিয়া ]  
তার ওপরে আবার শুনেছি, গোবিন্দের তৃতীয় পক্ষটা ভারি সুন্দরী ।

গোবিন্দ । [ তবলাতে টাটি দিতে দিতে ] সেটা ঠিক শুনেছ

যেন চিত্রে নিবেশ্য পরিকল্পিতসঙ্ঘযোগা

রূপোচ্চরেন মনসা বিধিনা কৃত্যু হু ।

স্বীরত্বমৃষ্টিপরা প্রতিভাতি সা মে

ধাতুবিভূতমল্লচিন্ত্য বপুশ্চ তস্তাঃ ।

গদাধর । কি রকম !

গোবিন্দ । [ তবলা রাখিয়া ] এই তোমরা কেউ অঙ্গরা দেখেছ ? নিশ্চয়ই দেখনি । সংস্কৃত বোঝ না ।—[ চিন্তিত ভাবে ] তবে কি রকম করে' আমার নবোটার রূপ বর্ণনা করি ? [ সহসা ] সরভাজা খেয়েছ অবিশি ?

সকলে । হাঁ হাঁ ।

গোবিন্দ । আমার জীর্নীও ঠিক তাই ! [ আবার নিশ্চিত ভাবে তবলা নিলেন ]

পীতাম্বর । বাঃ ! সব জলের মত সাফ হয়ে গেল ! [ বংশী ও গদাধরকে ] এখন ওঠ । সরভাজার সঙ্গে রমনীর রূপের তুলনা আজ পর্যাস্ত কোন কবি করেন নি ।

গোবিন্দ বুঝলে না ? সরভাজা যেমন খেতে, আমার জীর্নী সেই রকম দেখতে ।

গদাধর । তা হোক, আমরা তা'তে লোভ কচ্চিনে । এখন আজ রাতে কি তোমার দশন পাওয়া যাবে ?

বংশী । না রূপসী, বিহ্বা, ষোড়শীর অনুমতি চাই । বল না হয় তোমার হয়ে বাড়ীর ভেতর গিয়ে আমরাই সেটা নিয়ে আসি । [ সম্মিত মুখে পীতাম্বরের প্রতি চাহিলেন ]

পীতাম্বর । তুমি যাবে কি যাবে না ? একটা ঠিক করে' বলো ।

গোবিন্দ । আমার পৃষ্ঠচর্মের প্রতি কিছু মায়া রাখি । যদি আজ বাতে বাই, ত কাল পীঠের চামড়াখানা মেরামত করবার জন্য একটা জুতো-সেলাইওয়াল ডাকতে হবে ।

পীতাম্বর । তবে যাবে না ?

গোবিন্দ । [ তবলাতে টাটি দিতে দিতে মাথা নাড়িয়া ] উহঃ, হুকুম নেই, হুকুম পাই ত বাব । আর তোমরা কেন দেরী কর ? শানাদি কর গে যাও । আর সন্ধ্যাকালে যেখানে যেতে চাও যেও, যা খুসী কোরো । আমাকে এখন অন্ততঃ দিন কতকের জন্যে



তোমাদের দল থেকে বাদ দাও। তৃতীয় পক্ষ ত কেউ কর নি,—জানবে কেমন করে' তার মজাটা ?

পীতাম্বর। তা এতক্ষণ বলেই হ'ত। আমি গদাকে বলেছিলাম যে তুমি আসতে পারবে না, উচ্ছন্ন গিয়েছে ; তা এরা তবু ধরে' বেঁধে নিয়ে এলো।' চল !

[ তিন জনের প্রস্থান। ]

গোবিন্দ। হাঃ হাঃ হাঃ এরা সব কোথেকে শুনে যে আমাব স্ত্রীটা পরমা সুন্দরী ? ভাস্গিস কেউ দেখেনি। আমার স্ত্রীটাকেও এসে পর্য্যন্ত কারো বাড়ী পাঠাইনি সেই ভয়ে। গুমর ভাঙ্গা হবে না। স্ত্রীটাকে বিয়ের আগে পাউডার ফাউডার মাথিয়ে, গহনা ফহনা পরিয়ে, জাঁকালো বোম্বাই শাড়ি ফাড়ি জড়িয়ে, একরকম যা হোক দেখিয়েছিল। তার পর দেখি, ওমা! -যাক্, গতানুশোচনায় ফল নেই। এ বৃদ্ধ বরসে এক রকম হলেই হ'ল। কেবল ভাবি, পৃথিবীতে বিয়েতে পর্য্যন্তও কি ফাঁকি চলে! বাপ্! এমন অন্ধকারের মত রংকেও ঘসে' মেজে আনুতা দিয়ে পাউডার মাথিয়ে এক রকম চলনসই করে' তুলেছিল! বাবা! কালো বলে কালো! যা হোক্, আমাব কার্ণোই ভালো!

[ তবলা বাঁয়ার বাতাসহকারে গুন গুন শব্দে ]

কালোরূপে মজেছে এ মন।

ওগো সে যে মিশমিশে কালো,

সে যে যোরতর কালো অতি নিরুপম।

কাক কালো জোমরা কালো, আমরা কালো জোমরা কালো,

মুচি মিস্ত্রি জোমরা কালো ;

কিন্তু জানো না কি কালো সেই কালো রঙ। ওগো সেই কালো রঙ।

অমাবস্তার নিশি কালো, কালী কালো, মিশি কালো ;

গদাধরের পিসী কালো ;

কিন্তু তার চেয়েও কালো এ কালো বরণ। ওগো—

[ নিশ্বলার প্রবেশ ]

গোবিন্দ। [ তাঁহাকে দেখিয়া, সভয়ে পূর্ববৎ সুর সংযোগে ]

ওগো সে শ্রামবরণ।

নিশ্বলা। বেশ! বেশ! একক্ষণ এয়ারদের সঙ্গে বসে' বসে' মাথামুণ্ড ছাইভস্ম বকে' এখন তাকিয়া ঠেশ দিবে উঁচু দিকে মুখ করে' ষাঁড়ের মত চোঁচান হচ্ছে!

গোবিন্দ। [ সকাতরে ] গান গাচ্ছি—

নিশ্বলা। ও! তা বলতে হয়! তা বেশ! বসে' বসে' সমস্ত দিনটা গান গাও না। আর এ দিকে আমি সারাটা দিন খেটে খেটে—

গোবিন্দ। কাটিটা!—একেবারে জোৎস্নাময়ীর মূহুম্বুম্ণালকল্পা! তবে ও অন্ধলতিকা 'ক্রব্যস্তির্বিলুপ্তা' হ'লে, পৃথিবীর বড় ক্ষতি ছিল না।

নিশ্বলা। তা তুমিই কেবল দেখ মোটা! সে দিন হরের মা বলে' গেল 'ওমা এমন কাহিলও হয়েছ মা।'

গোবিন্দ। আর বলে' বোধ হয়, মণখানেক চাউলও আদার

ক'রে নিয়ে গেল।—তা' হবে, কি রকম করে' বুঝব বল? তোমার মোটা কি কাহিল হওয়া সমুদ্রের জোয়ার ভাঁটা। ও শরীরে সের মশেক মাংস হলেই বা কি, আর গেলেই বা কি।

নির্মলা। বটে! তা তুমি ত আমায় মোটা দেখবেই। আমি কুৎসিত, আমি মোটা, আমি কালো, তা ত দেখবেই-দেখবেই!

গোবিন্দ। না না, রাম! তাও কি হয়? একরূপ অশাস্ত্রীয় রকম আমি তোমার দেখতে যাব কেন? তুমি হলে আমার তৃতীয় পক্ষের স্ত্রী—বিশেষতঃ আমার এই বৃদ্ধ [ জিব কাটিয়া ] প্রোঢ় অবস্থায়। পথের মাঝখানে ঝড়-ঝাপটায় গোয়ালঘর ও প্রাসাদ। এস প্রিয়ে! তুমি একবার আমার বামপার্শ্বে বস। আমি একবার তোমার ঐ চন্দ্ররূপ যে বদন, তাকে না নিরীক্ষণ করে' আমার চিত্তরূপ যে চকোব তাকে চরিতার্থ করি।

[ গীত ]

[ কীর্তন—“এস এস বঁধু এস” সুর। ]

এস এস বঁধু এস, আধ ফরাসে বোস,

কিনিয়া রেখেছি কলসী দড়ি [ তোমার জন্তে হে ]

তুমি হাতি নও যোড়া নও

যে সোয়ার হইয়ে পিঠে চড়ি ।

তুমি চিড়ে নও বঁধু তুমি চিড়ে নও

যে খাই দধি গুড় মেখে [ বঁধুহে । ]

যদি তোমায় নারী না করিত বিধি, তোমা হেন গুণনিধি

চিড়িয়া-খানায় দিতাম রেখে ।

নির্মলা । [ সরোষে ] দেখ, হ'তে পারে যে আমি মুকুখু মুকুখু মানুষ । কিন্তু যেমন কোরেই বল, আর সুরেই বল বা বেসুরেই বল, গা'ল দিলে সেটা বুঝতে পারি । আর তোমার বোধ হয় জানা আছে যে, আমার গালগুলো খুব সংকেত না হলেও খুব লাগসই—

গোবিন্দ । তা আর ব'লে । একবারে মর্মস্পর্শী ! কালিদাসের উপমা কোথায় লাগে ! শ্রীহর্ষের পদলালিতা তার কাছে লজ্জা পায় । ভারবির রচনাও তার সঙ্গে তুলনার অর্থহীন ঠেকে । [ সহাস্তানুনে নির্মলার করধারণ করিয়া ] প্রিয়ে ! আমার একটা গাল দাও না, আমি শুনে ধন্য হই ! নীরবে রৈলে কেন প্রাণেশ্বরী !

নির্মলা । অকর্ম্মার ঢিবি, হাবাতে, হতচ্ছাড়া মিসে !

গোবিন্দ । [ চক্ষু মুদ্রিত করিয়া, শ্লথ হস্তপদ সহকারে ] বাঃ বাঃ কি মধুর ? কি গভীর অর্থপূর্ণ ! কি প্রেমময় সস্তাষণ ? বিনিশ্চেতুঃ শক্যে ন সুখমিতি বা দুঃখমিতি বা ! [ শ্লথভাবে অবস্থিত ]

নির্মলা । [ তাঁহাকে ক্ষণেক দেখিয়া ] সং ! মুখ বক্র করিলেন ] নাও, এখন রঙ্গ রাখো । ও পোড়ার মুখে দুটো ভাত গুঁজতে হবে ? না, হবে না ? কি কথা নেই যে ? বলি ও ডেকরা অলপ্পয়ে !

গোবিন্দ । [ জিহ্বা দ্বারা কথার রসাস্বাদন করিয়া ] আহা ! বেঁচে থাক, বেঁচে থাক ! যার ঘরে একুপ স্ত্রী, তার আর কিসের অভাব ?

ইয়ং গেহে লক্ষ্মীরিয়মমৃতবর্তিনন্নয়নয়োঃ

কি মিঠে আওরাজ । বেন কর্ণে শত বেণুবীণাসুরজমন্দিরা  
বাজিয়ে দিয়ে গেল গা ! যার কথা এত মিঠে, সে নিজে না

জানি কি মিষ্টি! যেন সরপুরিমা! প্রিয়ে শোন—এ—একবার  
আমার এ—এই কাণটা মলে দাও ত, সর্ব শরীর শীতল হোক।

[ গীত ]

( রামপ্রসাদী সুর। )

আমার প্রিয়ার হাতের সবই মিঠে।

তা রং হোক মিশ্ মিশে বা ফিট্‌ফিটে।

মিষ্টি,—প্রিয়ার হাতের গহনাগুলি মিষ্টি চুড়ির ঠুনঠুনিটে ;

যদিও সে,—গহনা দিতে অনেক সময় বুধু চরে স্বামীর ভিটে।

নির্মলা। গয়না দিয়ে ত আর রাখলে না, তাই হাতে ক'গাছি  
সোণার চুড়ি বৈ আর কিছু নেই। ও পাড়ার বিধুর বোর কত  
গয়না। তা তার স্বামী ভাল বাসে,' দেবে না কেন ?

গোবিন্দ।

[ গীত ]

প্রিয়ার—হাতের কুণো থেকে মিষ্টি তার কনিষ্ঠ অঙ্গুলিতে ;

আর সে করস্পর্শে অঙ্গে সেন দিয়ে যার কেউ চিনির ছিটে ;

নির্মলা। যত বুড়ো হচ্ছেন তত রঙ্গ বাড়ছে! [ পৃষ্ঠে ছোট  
একটি কীল প্রদান। ]

গোবিন্দ।

[ গীত ]

আহা—প্রিয়ার হাতের কিলটিতেও মিষ্টি যেন গিটেপিটে।

নির্মলা। [ গোবিন্দের পৃষ্ঠে চড় ] মরণ আর কি ?

গোবিন্দ।

[ গীত ]

আর—প্রিয়ার হাতের চাপড়গুলি আহা যেন পুলিপিটে।

নির্মলা। বটে! তবে দেখি এইটে কি রকম। [ কাহুণী প্রদান ]

গোবিন্দ ।

[গীত ]

আহা—খেজুর রসের চেয়েও মিষ্টি প্রিয়তার হস্তের কানুটিটে

মধুর—সব চেয়ে তাঁর সম্মার্জনী—আহা যখন পড়ে পীঠে ।

নির্মলা । তবে হবে না কি একবার ? বড় পীট স্ফুড়স্ফুড় কচ্ছে ।  
তবে বাড়ুনটা আস্তে হল । [ প্রস্থান ।

গোবিন্দ । না না, কর কি ? এঃ—আজ রসিকতাটা একটু  
বেশী দূর গড়ায় দেখছি ।—এই যে ! সত্যি সত্যি একগাছ বাড়ুন  
নিয়ে আসে দেখছি ।

[ বাড়ুন হস্তে নির্মলার পুনঃ প্রবেশ ]

গোবিন্দ । না না, তামাসা রাখো ! ছিঃ ! ওকি ! [ বাড়ুন  
ধরিতে উদ্ভত ]

নির্মলা । কেন ?—“মিষ্টি সব চেয়ে তার এইটে” না ?

গোবিন্দ । কথাতে কথাতে চলছিল বেশ । কথাটা সব সময়  
কাজে পরিণত করা কি ভালো ? এই ধর তুমি যখন বল,—আমি  
আজ গলার দড়ি দিয়ে মর্ক, আমি কি অমনি ছুটে গিয়ে তোমাকে  
খুব মজবুত এক গাছ দড়ি এনে দেব ?

নির্মলা । তা বলা তোমার বড় আশ্চর্য্য নয় । তোমার মনের  
কথাও তাই । আমি মলেই ত তুমি বাঁচ ।

গোবিন্দ আহা ! তাও কি হয় ? প্রাণেশ্বরী তা'লে আমার  
ভাত রেঁধে দেবে কে ?

নির্মলা । বটে আমি তোমার রাঁধুনি বামনী কি না ? কাল  
থেকে কোন্ শালী আর রান্নাঘরে ঢোকে—

গোবিন্দ। আহা। চট কেন? বলি, রন্ধন কার্যটা ত মন্দ নয়। দ্রোপদী যে দ্রোপদী, তিনি স্বয়ং রাঁধতেন! নল রাজা ইচ্ছে করলে এক জন প্রসিদ্ধ বাবুর্চি হতে পারতেন। সীতা রাঁধতে জ্ঞান্তেন না, কাজেই রাম তাঁরে নিয়ে কি কর্কেন ভেবে চিন্তে না পেয়ে তাঁকে বনবাসে পাঠিয়ে দিলেন। আমি ত মেয়েদের চিত্রবিজ্ঞা, সঙ্গীতনৈপুণ্য ইত্যাদির চেয়ে রন্ধনপটুতা ভালোবাসি। এমন রসনা-তৃপ্তিকর, উদরম্লিঙ্ককারী, চিত্তরঞ্জক কার্য আর আছে?

নির্মলা। নাও, তোমার আর ব্যাখ্যানা শুন্তে চাইনে। কাল থেকে তুমি নিজে রৈঁধে খেও। “ভাত রৈঁধে দেবে কে!” বটে! এক নিরুশ্মার সেরা, কুড়ের সর্দার, ষাট বছরের বুড়া—

গোবিন্দ। দোহাই ধর্ম! আমার বয়স এখনও ৫০ পেরোই নি।

নির্মলা। এক চুল-পাকা, গাল-তোবড়ান, কলপ-দেওয়া, পচা, আম্‌সির মত চিগ্‌সে, মাক্‌তার আমলের পুরোনো,—

গোবিন্দ। এত পুরোনো তবু ত হজম কর্তে পাচ্ছ না; নতুন হলে, বোধ হয় উদরাময় হতো। আর এই বুড়া পুরোনো নইলে তোমাকেই বা আর কোন্ এক পঞ্চবিংশতিবর্ষীয় গন্ধর্ক, যক্ষ, বিয়ে কর্তে আসবে বল? অমন নধর' নিটোল, বার্ণিশ করা—

নির্মলা। ফের! তোমার কপালে আজ এটা নিতান্তই আছে দেখনি [ বাড়ুন কুড়াইয়া প্রহার ] তবে এই—এই—এই—এই [ পুনঃ পুনঃ প্রহার ]

গোবিন্দ। ওরে বাবারে মেরে ফেলো গো! [ চিৎ হইয়া পড়িয়া চীৎকার। ]

[ গোবিন্দের ভগিনী চিন্তা ও ভৃত্য রামকান্তের প্রবেশ ]

উভয়ে । কি হয়েছে ? কি হয়েছে ?

গোবিন্দ । [ চিন্তাকে সকাতরে ] আমাকে মাচ্ছে । [ উঠিয়া বসিলেন ]

রাম । তাই ত, মা মাঠাকরুণ যে বাবুর পীঠে আর কিছু রাখেনি ক । মেরে পোষা উড়িয়ে দিয়েছে ।

চিন্তা । হ্যাঁ লা বউ ! এই ছপুর বেলা দাদাকে মাচ্ছিস্ কেন ?

গোবিন্দ । হ্যাঁ, জিজ্ঞাসা কর ত এই অসময়ে—

নির্মলা । বেশ করেছি মেরেছি । তোমার তাতে কি ? আমার স্বামীকে আমি মেরেছি, তোমার ত স্বামী নয় ।

গোবিন্দ । ম্যাঁ—তা বেশ করেছে, ওর স্বামীকে ও মেরেছে ।

রাম । আহা পীঠের হাড়গোড় চুরনার ক'রে দিয়েছে গা !

চিন্তা । [ নির্মলাকে ] ছপুর বেলা শুধু শুধু মার্কি ?

গোবিন্দ । হ্যাঁ এই দ্বিপ্রহরে কোথায় স্নানাদি করে' একটু বিশ্রামাদি কর্ব, না—

নির্মলা । ও যদি আমার হাতে মার খেতে ভালবাসে ।

গোবিন্দ । বটেই ত আমি যদি আমার স্ত্রীর হাতে মার খেতে ভালবাসি [ চিন্তাকে ] তোমার তাতে কি ?

রাম । আহা হা পীঠটা—[ চতুর্দিক পরিভ্রমণ করিয়া পৃষ্ঠ পর্য্যবেক্ষণ ]

চিন্তা । [ সহাস্তে ] তুমি মার খেতে ভালবাস ! তবে এখনই চোঁচাচ্ছিলে কেন ? তুমি সারাটা দিন পড়ে' পড়ে মার খাও না, আমার



কি ? এই নাও বৌ বাকারিটা নাও, খুব সাধ মিটিয়ে মারো । [একগাছ বাকারি ভূমি হইতে তুলিয়া প্রদান ]

নির্মলা । আমি মার্কে না । তোমার কথায় আমার স্বামীকে আমি মার্কে না কি ?

গোবিন্দ । হ্যাঁ, তোমার কথায় মার্কে না কি ? কখন মার্কে না ।

চিত্তা । এখনি যে মাচ্ছিলি ?

নির্মলা । আমার যখন খুসী হয়, তখন আমি মারি । তোমার যখন খুসী হয় তখন আমি মারিনে । ও ত তোমার স্বামী নয়, আমার স্বামী ।

গোবিন্দ । হ্যাঁ ওরই ত স্বামী ।

চিত্তা । [সহাস্তে] বাবা ! সম্পত্তি জ্ঞানটা দেখছি খুব টন্-টনে !  
তোমার স্বামী নিয়ে তোমার যা খুসী কর ভাই ! খাও দাদা, পড়ে পড়ে' সমস্ত  
দিনটা মার খাও !

[প্রস্থান]

রাম । বাবু ! আগে ডাক্তার ডাকব না আগে পুলিশ ডাকব ?

গোবিন্দ । তোমার কিছু ডাকতে হবে না, তুই যা ফাজিলের  
সর্দার !

[রামকান্তের প্রস্থান]

নির্মলা । [সান্তিমানে] স্ত্রী নিজের স্বামীকে মার্কে, তাও লোকে  
সইতে পারে না ' চোখ টাটায় । আমারও যেমন কপাল ! নিজের  
স্বামীকে যখন খুসী মার্তে পাব না ! [ক্রন্দনোপক্রম]

গোবিন্দ । [স্বগত] এ-এ—মুন্ডিল বাধালে দেখছি । [প্রকাশ্যে]  
খুব মার্কে, দুশো মার্কে ; সকালে একবার মার্কে, আবার বিকেলে

একবার মার্কে। আর যদি দরকার হয় ত রাখে শুতে যাবার আগে  
আর একবার মেয়ে। লোকের ভারি অজ্ঞার! কেঁদনা, মারো, পীঠ  
পেতে দিচ্ছি! ফের মারো।—ওগো! নীরব রৈলে কেন? একটা  
কথাই কও না। [ সুর করিয়া ] প্রিয়ে চাক্ষুশীলে! মুঞ্চ ময়ি  
মানমনিদানং।

নির্মলা। যাও, বিরক্ত করো না। আমি নিশ্চয়ই আত্মহত্যা করব,  
বিষ খেয়ে মরব, গলার দড়ি দিয়ে মরব, ছাদ থেকে পড়ে মরব।

গোবিন্দ। এমন কাজটি করো না। আমার অপরাধটা কি?  
উপুড় হয়ে পড়ে, মার খেয়েছি; এই অপরাধ।

নির্মলা। আর চেষ্টায়ে পাড়া শুদ্ধ হাজির কল্লে।

গোবিন্দ। কেমন মজা হল!

নির্মলা। মজা ত ভারি? ঝাঁড়ও ত চেষ্টায়। মজা হয় কোথায়?

গোবিন্দ। ওই যে পাড়ায় চেষ্টায়, সেই পাড়ায়।

নির্মলা। সকলের সম্মুখে বল্লে “আমাকে মার্ছে।”

গোবিন্দ। তাতে তোমার গৌরব কত বাড়িয়ে দিলাম যে আমি হেন  
স্বামী তোমার কাছে নিরাপত্তিতে মার খাই।

নির্মলা। ঠাকুরঝি নতুন এয়েছেন। তিনিই বা কি মনে করেন?  
যেন আমি এই রকম তোমাকে মেরেই থাকি।

গোবিন্দ। না, রাম! মার্কে কেন! পীঠের ধুলো ঝেড়ে দাও!

নির্মলা। আমি কালই বাপের বাড়ী চলে যাব। তোমার  
বোনকে নিয়ে ভূমি থাক। আমার এত সহ্য হয় না। আমার হাড়  
আলাতন পোড়াতন হয়েছে। [ বসিয়া চখে কাপড় দিয়া ] আমার  
সেমন কপাল! নইলে এ-এত পাত্র থাকতে কি না শেষে এই ঘ-ঘরে

বিয়ে হয়! [ক্রন্দন]। ক-কত ভালো পাত্র মিলেছিল [ক্রন্দন] চা-চাতরার জমিদারের লোকেরা এসে বা-বাবাকে সা-সাধাসাধি। তা আ-আমার মা নাই বলে' আমার ভা-ভালোটা কেউ দেখলে না গো। [ক্রন্দন] বাবা মু-মুখ্য কুলান শুনে গ-গলে' গেলেন! এ-এক বুড়া, তিন কাল গিয়েছে এক কাল আছে, ছুটোকে গঙ্গাবাত্রা করিয়ে এসেছে,—এমন এক কুড় সর্বনেশে ব্রাহ্মণপণ্ডিতের সঙ্গে কি না শেষে!—আবার তাকেও আমি ইচ্ছেমত মার্কে পাব না! তার উপবে তাঁর রোধ কত! আমি তাঁব রাধুনি বাম্নি, আমি মোটা হাতী, আমি বার্নিশ করা জুতো। [ক্রন্দন] এ-এক বছর না যেতেই এই, পরে আবার কত কি এ পোড়া কপালে আছে গো। ওগো মাগো, কি হ'ল গো! প্রবল বেগে ক্রন্দন ]।

গোবিন্দ। না না, ওটা—শোন—ওগো—[স্বগত] আঃ কি বলি—[বাস্তব]

নির্মলা। [সংবাদনস্ববে] আমি বাধুনী, আমি মোটা হাতী, আমি বার্নিশ করা জুতো।

গোবিন্দ। ওটা—হেঁ হেঁ এতক্ষণ প পরিহাস করছিলাম। পরিহাস বোঝ না? আহা! নিতান্ত ছেলেমানুষ! কি, কবে' বুঝবে বল? এখনও গাল টিপলে মায়ের ছব বেরোয়। আমাবই অন্তায়। এমন সরলা, বালিকার সহিত একরূপ রূঢ় পরিহাস করাটা ভালো হয়নি! ওগো—

নির্মলা। যাও, তোমার রঙ্গ আমার ভাল লাগে না।

গোবিন্দ। [সর্বিনয়ে] আহা শোনই না।

নির্মলা । যাও, বিরক্ত করো না ।

গোবিন্দ । [ হাস্যচেষ্টাসহ ] প পরিহাস বোঝ না । তুমি আমার সর্বস্ব, তোমাকে আমি রুচ বাক্য বলতে পারি ? ওগো—একটা কথা কও—[ জালু পাতিয়া সুর সংযোগে ] বদসি যদি কিঞ্চিদপি দহরুচিকৌমুদী হরতি দরতিমিরমতিবোরং ।

নির্মলা । যাও বলছি । ভালো লাগে না !

গোবিন্দ । [ সুর সংযোগে ] হুমসি মম জীবনং হুমসি মম ভূষণং হুমসি মম ভবজলবিবহ্নং ! [ কর ধারণ ]

নির্মলা । যাও । [ গোবিন্দের হাত দুবে নিষ্ক্ষেপ ]

গোবিন্দ । [ সুর করিয়া ] স্মরণরতনং মম শিরসি মগুনং দেহি পদপল্লবসুদারম্ [ চরণ ধারণ ]

নির্মলা । স্ত্রী নিজের স্বামীকে মার্তে পাবে না—এমন কপাল করেও এসেছিলাম !

গোবিন্দ । খুব মার্কে । এই নাও মারো [ বাড়ুন প্রদান ] পীঠ পেতে দিচ্ছি । আব দুই এক বা দাও, আমি তা খেয়ে মানব জন্ম সফল হবে' নিই ।

নির্মলা । যাও তোমাব সব সময়ে তামাসা ভালো লাগে না !

গোবিন্দ । সত্যি বলছি প্রিয়ে, তোমাব হস্তেব সম্বার্ক্জনী-সংবর্ষণে যেকপ শিশু আমার পৃষ্ঠদেশ ও মেধা পরিষ্কার হয়, গত দুই পক্ষের কারো হাতের সম্বার্ক্জনীতে নেকপটি হয় নি । না, আমি পরিহাস কচ্চিনে । তোমার হাতের কি একটা গুট গুণ আছে ।

নির্মলা। যাও, তোমার আর রক্ষ কৰ্ত্তে হবে না। কালই আমি বাপের বাড়ী চলে' যাব।

[ অস্তিমানে প্রস্থান ]

গোবিন্দ। এত ভারি বিপদ ! আমি যতই স্নিগ্ধ হই, প্রিয়া আমার ততই উষ্ণ হন। আমি যদি গরম হই, তা'তে বোধ হয় উনি বোমার মত ফেটে চৌচির হয়ে যান ! এই চিন্তা আসা থেকে যেন গুঁর মেজাজটা আরও রুক্ষ হয়েছে ! এমন আব্দারও দেখিনি। মার্কে আমি তাতে কাঁদতেও পাব না

[ চিন্তা ও রামকান্তের পুনঃ প্রবেশ ]

চিন্তা। বসে' বসে' কি ভাবছ দাদা ? খাওয়া দাওয়া কৰ্ত্তে হবে না ? বৌ ত ঘরে গিয়ে ছুয়োব দিলে।

রাম। মুই কবিবাজের কাছে বাইয়ে গল্পমাদন ত্যাল নিয়ে আঠ'ছি পীঠে মাথিয়ে পীটটা ডলে' দেব ?

গোবিন্দ। তুই এখন যা ! দেখ দেখি চিন্তা, আমি যে কি কর্ক, ভেবে উঠতে পাচ্ছিনে। দেখলি ত !

চিন্তা। তুমি দাদা কখনও স্ত্রী বশ কৰ্ত্তে পার্কে না। অত ভালো মানুষটি হলে কি হয় ?

গোবিন্দ। কি কর্ক ? তাকে ঠেঙাব ?

চিন্তা। ঠেঙাতে হবে কেন ? একটু কড়া হও দেখি। মেয়েমানুষের জাত একটু রাশ আনুগা দিয়েছ কি অমনি পেয়ে বসেছে। একটু রাশ কড়া করে ধর, অমনি মাটির মানুষটি। আমি নিজে মেয়েমানুষ, জানি ত সব।

গোবিন্দ । আচ্ছা, এবার তোর বুদ্ধিতেই চলে' দেখি । কি করব বল দেখি ? ও ত বাপের বাড়ী চলে' যাবে বলে' ভয় দেখিয়ে গেল ।

চিন্তা । তুমি চুপ করে' বসে' থাক । যাক না দেখি একবার !

গোবিন্দ । যদি সত্যি সত্যিই যায় ?

চিন্তা । যায় যদি, তিন মাসের মধ্যেই আপনিই ফিরে আসবে । আর একেবারে শুধরে যাবে । আন যেতেই কি পারবে ! এখন নাও যাও দেখি ।—ওঠ ! [ প্রশ্নান ]

রান । মই গন্ধমাদন ভাল আনিছি—

গোবিন্দ । যা বেটা কাজিল, যগুমার্ক পাজি !

[ রামকান্তের প্রশ্নান ]

গোবিন্দ । যাকই না দিন কতক । মন্দই কি ! বন্ধুদের সঙ্গে আবার দুদিন বে'ড়য়ে চেড়িয়ে বেড়াই । তার পর ফিরে আসবে 'খনি । ঠিক মেসাজটা নরম হওয়া অন্ততঃ আমার স্বাস্থ্যের মঙ্গলের জন্য দরকার করে দাঁড়িয়েছে । এই যে আবার আসছেন—

[ নিশ্চলার প্রবেশ ]

নিশ্চলা । বোনের সঙ্গে যুক্তি করা হচ্ছিল ।

গোবিন্দ । [ স্বগত ] এবার কড়া হতে' হবে । নরম হওয়া হবে না । দেখি তাতেই কি হয় । [ প্রকাশ্যে ] আড়াল থেকে শুনেছ বুদ্ধি ? অন্তরান, তুমি গিরে ঘরে ছুয়োর দিলে, যেন আমি তোমার পিছু পিছু তোমাকে ধরে গিইছি । তা যাও না তুমি বাপের বাড়ী একবার দেখি [ স্বগত ] এবার খুব কড়া হইছি ।

নিশ্চলা । যাব না ত কি ! তোমার বোন বুদ্ধি বুদ্ধিয়েছে যে,

আমি যেতে পার্ব না। আর গেলেও ফিরে আসব? তা এই দেখ  
যাই কিনা। আমার সঙ্গে রামাকে দাও, আমি কালই চলে' যাব।  
তুমি আনতে লোক পাঠিও না বন্ধি। আর নিজে যদি ফিরে আসি  
ত আমি নীলরতন চাটুর্ঘ্যের মেয়েই নই। [ পশ্চাৎ ফিরিলেন। ]

গোবিন্দ। আর আমি যদি আস্তে লোক পাঠাই ত আমি রামকমল  
মুখুর্ঘ্যের নাতিই নই। [ পশ্চাৎ ফিরিলেন। ]

নির্মলা। আঃ! দিন কতক হাড় জুড়ায়—

গোবিন্দ। আঃ! দিন কতক হাঁফ ছেড়ে বাঁচি—

নির্মলা। বেশ।

গোবিন্দ। উত্তম! নির্মলার প্রশ্নান।] যাক্—এবার খুব রাশ  
কড়া টেনেছি, তবে ছিঁড়ে না যায়। দেখা যাক্, কি গড়ায়। বাই,  
স্নানাদি করিগে; কিন্তু কাজটা ভাল হলো না বোধ হচ্ছে। মোট  
এক বছর বিয়ে—যা হোক, একবার 'বজ্রাদপি কঠোর' হ'তে হচ্ছে।  
তার পর না হয় আবার 'মৃৎনি কুসুমাদপি' হওয়া যাবে।

[ নিষ্কাশ্য। ]

## দ্বিতীয় দৃশ্য

[ স্থান—হাঁসখালিতে চূর্ণানদীর একটি নিভৃত ঘাট। কাল—প্রত্যুষ ; হাঁসখালির রূপসীবন্দ ঘাটে সমাবেত—কেহ জলে, কেহ স্থলে। তাঁহাদের আরও বিশেষ পরিচয়-প্রদান অনাবশ্যক । ]

জুঁই। সে ভাই তোদের মিছে কথা।

মল্লিকা। সত্যি, ভাই, মাথার দিব্যি !

চাঁপা। তা হবে না কেন ? আজকালকার মেয়েদের ত দশাই ওই।

চামেলি। তা সে বেশ করেছে। ওর সোয়ামী ফেরার ! ওকি বইসে' বইসে' বিচিলি কার্টবে নাকি ? এই আটটি বছর সে পোড়াবমুখোর দেখা নেই। ও হ'ল যোল বছরের সোমন্ত মেয়ে, ওরই বা দোষ দেই কেনন করে' বল্। [ বেলাকে ] হ্যা ভাই ! তুই বলনা।

বেলা। [ বিজ্ঞভাবে ] তা ভাই, তাই, বলে' ও রকম পাড়া শুদ্ধ লোকের সঙ্গে এ কীর্তি করে' বেড়ানটা মোদের কাছে ভালো ঠেকে না। গেরোস্ট ঘরের ত মেয়ে !

চাঁপা। ঢের ঢের দেখলাম এই বয়েসে। কিন্তু এমন বেহায়া মেয়ে নাচুষ ত্রিজগতে কোথাও দেখলাম না। ওর বাপ ত ওকে তাড়িয়ে নিয়েছে। তা এখানে এসেও কি—সেই কাণ্ড !

জুঁই। হ্যা ভাই ! ওর বাপ ওরে বাড়ী থেকে তাড়ালে কেন ?



চাঁপা । সে এক কেলেকারি !—ওর বাপ দেখলে যে ওকে বাড়ী রাখলে কি আর জাত থাকে ? তাই ওকে তার বড়ী মামীর বাড়ী রেখে দিয়েছে—

বেলা । মামীই কি স্বীকার হয় ! তবে গোলাপীর বাপ বড় মানুষ, তাকে টাকা দিয়ে স্বীকার করায় ।

মল্লিকা । সেই অবধি মেয়েটা কেমন বিগুড়ে গিয়েছে ।

বেলা । তা হবে নাই বা কেন ? মেয়ে মানুষ ত পাহাড়ের ওপরের ভেঁটা । রইল ত রইল । কিন্তু যদি একবার গড়ালো ত একবারে নীচে পর্যন্ত না গড়িয়ে আঁব খামে না ।

[ নেপথ্যে গান ]

চামেলি । ঐ যে গোলাপী আসছে । আবার গান হচ্ছে ।

চাঁপা । ঈঃ আসছে দেখ না ! মরণ আর কি ! যমেও নেয় না ।

জুঁই । তোরা যা বলিস্ তাই কিন্তু একবার দেখ দিখি, রূপে একবারে দশ দিক আলো কবে' আসছে । মুখখানি যেন গোলাপ ফুল ।

মল্লিকা । ও গোলাপের মত দ্ব্যখতি বলে' ওব বাপ নাম রেখেছেল গোলাপী ।

চামেলি । গোলাপী ঠিক আমার নাকটা পেয়েছে । ওব না আমার কি রকম মাসী হয় কি না ।

চাঁপা । যখন এখানেে এইছিল, তখন আমার সঙ্গে খুব ভাব ছিল । আমরা এক সঙ্গে নইলে বেড়াতাম না । আমরা যখন পথ দিয়ে যেতাম, লোকে বলত বেন ছুইটা পরী [ মল্লিকাকে ] মম্—হাস্ছিম্ যে—

[ গাইতে গাইতে গোলাপীর প্রবেশ ]

( ভৈরোঁ—রূপক )

ঐ প্রণয়ে উচ্ছ্বাসি' মধুর সস্তাষি' যমুনায় বাঁশী বাজে ;  
 ঐ কানন উছলি' রাধে রাধে, বলি'—যায় চলি বন মাঝে ।  
 পড়ে ঘুমাইয়ে ঐ তারাকুল সহী, অধরে মিলার হাসি ;  
 ঐ যমুনার এসে নায় এলোকেশে নিভূতে জ্যোছনারাশি ।  
 ঐ নিশি পড়ে চূলে যমুনার কূলে, উছলে যমুনা-বারি ;  
 সখি হরা করে' আয় যাই যমুনায় হেরিতে মুরলীধারী !  
 ঐ সমীরণ ধীরে উঠিল জাগি রে, জাগিল পূর্বে জাতি ;  
 ঐ কুঞ্জে গীত উঠে কুঞ্জে ফুল ফুটে—সখিরে পোহাল রাত্রি ।

গোলাপী । কি ! ফুলের কুঁড়ি সব । ঘাটে যে বাগান বসিইছি  
 লা । কিলো চাঁপা, মুখখান ভার করে' রইছি কেন ?

চাঁপা । নে তোর আর রঙ্গ কর্তে হবে না ।

গোলাপী । কেন কি হয়েছে ? এ বয়সে রঙ্গ করি না ত কি তোর  
 মত যৌবন পেরিয়ে গেলে রঙ্গ করি না কি ? [ পাঠক বুঝিয়াছেন বোধ  
 হয় যে, চাঁপা গোলাপীর উপর কেন এত অসন্তুষ্ট । ]

চাঁপা । মরণ আর কি ।

গোলাপী । সে মত এক দিন সকলের আছেই । আরো তার  
 জন্মেইত আজ বত পারো হেসে নেও । ঐ কি বলিছিল—

( গীত )

( মিশ্র ঝিঁঝিট—আড়ধেমটা )

হেসে নেও—এ দুদিন বৈ ত নয় ;

কার কি জানি কখন সন্ধ্য হয় ।

## বিরহ

কোটে ফুল, গন্ধ ছোটে তায়,  
 ভুলে নেও—এখনই সে ঝরে' যাবে হার ;  
 গা ঢেলে দাও মধুর মলয় বায়,  
 —এলে মলয় পবন ক'দিন রয় ।  
 আসে যায়, আসে ফের জোয়ার,  
 যৌবন আসে যায় সে কিন্তু ফেরে নাক আর ;  
 পিয়ে নেও বত মধু তায় ।  
 —আহা যৌবন বড় মধুময় ।  
 আছে ত জীবন-ভরা দুখ ;  
 আসে তায় প্রেমের স্বপন—তু দণ্ডেই স্থখ ;  
 হারায়ো না হেলায় সেটুক—  
 —ভাল বাস ভুলে ভাবনা ভয় ।

মল্লিকা । হাঁলা গোলাপী ! তোর এখানে রঙ্গ কর্তি আসা  
 না জল নিতি আসা ? তোর যে বেলা আর হয় না । নাইবি ? না,  
 গান গেয়ে নেচে কুঁদে চলে' যাবি ?

চাঁপা । ও কি রূপের গরবে কিছু দেখতে পাচ্ছে ?

গোলাপী । বিধাতা রূপ ত আব সকলকে দেন না । যা'কে  
 দিয়েছেন, সে একটু গরব করবে বৈ কি ।

বেলা । রূপ ত পিষ্‌দীপের আলো, নিজে পোড়ে, দশ জনকে  
 পোড়ায় । আবার তেল ফুরোলে কি বাতাস এলেই দপ্ করে নিভে যায় ।

গোলাপী । চাঁপার একটা সুবিধে আছে—নিভ্বার ভয় নেই ।

চাঁপা । [ বিরক্তিসহকারে ] মোর নাওয়া হয়েছে—মুই উঠি ।

চামেলি । র'স না, এক সাথেই উঠছি । হাঁলা গোলাপী ! তোরা  
 সোয়ামীর খবর টবর কিছু পেলি ?

চাঁপা। হ্যাঁ তার আবার খবর! সে পোড়ারমুখো নিঃশ্বাস  
মরেছে।

গোলাপী। তোমার মুখে ফুলচন্দন পড়ুক। তা'লে আমি  
একটা বিয়ে করি!

মল্লিকা। সে সাধ আবার কবে গেকে হ'ল?

গোলাপী। হবে না কেন? তোরা সব কূলে কূলে ছাপিয়ে  
উঠিছিস্, আর আমি এই ভরা ভর্তি ভাদ্র মাসে শুকিয়ে থাকব না কি?  
আমার সাধ যায় না?

মল্লিকা। মোদের চেয়ে তোর ছুঁটা কিসের? মোরা সব নদীর  
মত এক এক খালের মধ্যেই চলিছি, আর তই বিষ্টির জলের মত  
সবজায়গাই সমান ছড়িয়ে পড়িছিস্। অমনন্দটা কি?

গোলাপী। মন্দ কি কিছু? তবে কি না নদী থেকে উঠে  
মধ্যে মধ্যে ছাপিয়ে পড়া—আরও ভাল না? দশ জনের দশটা  
কথা শ্রুত হয় না। বিপদে আপদে একটা সোয়ামী আছে,  
ভয় নেই।

বেলা। গোলাপীর সঙ্গে কথায় কারু পারবার যো নেই।

গোলাপী। আর সত্যি ভাই, আমার একটা লোকের কাণ ধরে'  
খাটাতে বড় সাধ যায়। তা'লে তোরা একবার দেখ্তিস যে সে কি  
রকম দিন রাত আমার পায়ের তলায় পড়ে' থাকত!

মল্লিকা। একটা সোয়ামী ছিল, তা'কেই ধরে রাখ্তি পাল্লি বড়!  
আবার তোর পায়ের তলায় পড়ে' থাকবে!

গোলাপী। তখন আমার বয়স কি? আট নয় বছর বৈ ত  
নয়। তখন আমার হাসিতে কি মুকো গড়াত? না' লাধি মানে

অশোক ফুল ফুটত ? সে এখন একবার আসুক না, দেখি সেই কত বড় আর আমিই কত বড় !

চাঁপা। তোরা ত ভাই উঠ্বিনে। মুই উঠি। বেলা হ'ল।

অন্ন রূপসীরা। চল ভাই মোরাও বাই [ সকলের উত্থান। ]

গোলাপী। যা' না। আমি কি বসে' থাকতে বস্ছি ? আমি এখন আধ ঘণ্টা ধরে, দাঁতে মিশি দেব। তার পর আধ ঘণ্টা ধরে' সাবান মাখব। আমার ত বাড়ীতে জুজুর ভয় নেই।

চাঁপা। মুখে আগুন ! এমন হতছেড়ীকেও ওর মামী ঘবে রেখেছে গা।

[ গোলাপী ভিন্ন সকলেব প্রস্থান। ]

গোলাপী। আহা ! কি হাওয়াটাই বচ্ছে ! পোড়াবমুখীরা আমার ত দিন রাতই গা'ল পাড়ছে। অথচ বে আমার এ হেন যৌবন আর রূপ বৃথাই যাচ্ছে, তা ত ওরা চোখে দেখে না। কেবল দিন রাত আমার দুর্নাম রটাচ্ছে। কেন ? না, আমি একটু হাসি বেশী।—তা হাসিটা আমার স্বভাব। আর সেটা ত মন্দ কাজ নয় ! আর গান গাই—গাইতে জানি, তাই গাই। তার বাড়া, আর ত কিছু করিনে। তা যদি দেখতিস, না হয় বলতিস্। তোদের মধ্যে যে কেউ কেউ স্বামী থাকতেই—না, সে সব বলে, আর কাজ কি ? তবে আমার সঙ্গে তোরা লাগিস্ কেন পোড়ারমুখীরা ? আমি কি তোদের কারো নামে কিছু রটাতে গিইছি, না, কারু পাকা ধানে মৈ দিইছি ? বাক, সে সব ভেবে কি হবে ? এখন ওঠা বাক। ঐ কে আবার এদিকে আস্ছে দেখছি। উঃ ! আমার পানে তাকাচ্ছে দেখ, যেন পেলেই এফণই টপ্ করে'

গালে পুরে ফেলে । আঃ কি হাওয়াটাই আজ বছে । সাথে বলে  
বসন্তকাল ঋতুরাজ ! [ গাইতে গাইতে প্রস্থান । ]

[ কালাংড়া—খেমটা ]

বনে বনে কুম্ভ ফোটে ওঠে যখন মলয় বায় :

পুষ্পে পুষ্পে অনর ছোটে, কুষ্পে কুষ্পে কোকিল গায় ;

হাতে লয়ে ফুলধনু, ফুলধনু হেসে চায়,

বকুল ফুলের মালা গলে, পদ্মফুলের নুপুর পায়,—

বলে আজি আমি রাজা পথ ছেড়ে দাও আজ আমার,

না মানিলে কুলশরে হৃদে বিঁধে চলে যায় ।

[ রামকান্তের প্রবেশ ]

রাম । গিইছিলাম মুই মা ঠাকরুণকে রাখ্‌তি' । কিরে আস্‌তি'  
পথে কি রতনই দেখ্‌লানরে । ঢের ঢের মেয়ে মানুষ ছাখিছি কিন্তু এ  
একেবারে মেয়ে মানুষের ট্যাঙ্কা । এর সাথে মোর যদি বিয়ে হত ত মুই  
এর একবারে গোলাম হ'য়ে থাক্‌তাম্ । মেয়েটা গেল কোথা ? সাঁ করে'  
তাকিয়ে সাঁ করে', চলে' গেল । আর কি গানই গাইলে গা ? যেন  
কুইনিনে জ্বর ছাড়লো ! মেয়েটার গৌজ নিতি হ'ছে ।

[ প্রস্থান । ]

## তৃতীয় দৃশ্য

[ স্থান—গোবিন্দের বহির্কোণ। কাল—প্রভাত।

গোবিন্দ এক কোণে হাঁকা বাম হস্তে ধরিয়া  
দক্ষিণহস্তে কলিকায় ফুঁ দিতেছিলেন।

চিন্তা দণ্ডায়মানা ]

চিন্তা। দিন কতক চোক নাক কাণ বুজে থাক না! দেখো, দু-  
মাসের মধ্যেই সে ফিরে আসবে।

গোবিন্দ। যখন তোর বুদ্ধিতে সুরু করেছি, তখন তোর বুদ্ধিতেই  
চলে' দেখি।

চিন্তা। একটা কথা—কোন রকমে—আকার ইচ্ছিতেও তা'কে  
জাস্তে দিও না যে, তুমি তাঁর বিহনে মনকষ্টে আছ। বরং তাকে দেখাতে  
হবে—যে তুমি বেশ সুখে স্বচ্ছন্দে আছ। নেও, এখন খেতে এস। কত  
বেলা হল।

গোবিন্দ। যাচ্ছিখুনি, তুই বাড়ীর ভিতর যা এখন [ চিন্তার প্রশ্নান ]  
খাচ্ছি ত দিন রাতই। বোন নইলে কেউ খাওয়াতে জানে না।  
দিন রাত ঘি, আর দুধ; তাই শরীরটিও দিন দিন গোলাকৃতি হচ্ছে।—  
এ আবার আসে কে? [ ইন্দুবর্ণের প্রবেশ ]—এ যে ইন্দু যে! বলি  
কোথেকে? সব ভালো ত? আমার সম্বন্ধী—অর্থাৎ ভগিনীপতি  
বিধুর শরীর ভালো? তার সঙ্গে অনেক দিন দেখা হয়নি।  
তোমার সঙ্গেও—হ্যাঁ হ্যাঁ ভালো কথা—তোমার সঙ্গে যে আমার  
ডবল সম্বন্ধ হয়েছে হে। ওদিকে তুমি আমার ভগিনীপতির ভাই, আবার

এ দিকে তুমি আমার শালী চপলাকে বিয়ে করেছ। এঃ! তোমাকে যে আমার মাথায় তুলে নাচতে ইচ্ছে হ'চ্ছে হে—এস এস—  
[ বাস্তব ]।

ইন্দু। এই আমি স্বশুরালয় অভিমুখে বাচ্ছিলাম। ভাবলাম, পথে আপনাদের সঙ্গে দেখা করে' যাই।

গোবিন্দ। বেশ! বেশ! ভালোই কবেছ। বোস বোস, তামাক।—  
হ্যা! তামাক খাওনা? বল কি?

ইন্দু। আপনার বাড়ী সব মঙ্গল? [ উপবেশন ]

গোবিন্দ। হ্যা মঙ্গল। আমার গৃহিণী এখন তাঁর বাপের বাড়ীতে, তা জানো বোধ হয়?

ইন্দু। কেন হঠাৎ বাপের বাড়ীতে?

গোবিন্দ। [ স্বগত ] কি বলি? [ প্রকাশে ] কেন নেয়েকে কি তাব বাপের বাড়ীতে যেতে নেই? আব সত্যি কথাটা কি জানো,—  
বোলো না যেন তা'কে গিয়ে,—বৈঁচছি দিন কতক! স্ত্রীদের মধ্যে মধ্যে তাদের বাপের বাড়ীতে না পাঠালে পেরে ওঠা যায় না। রাম যে সীতাকে কেন বনবাস দিয়েছিলেন, তা আমি এখন কতক বুঝতে পাচ্ছি।

ইন্দু। তবে আপনি তৃতীয়বার দারপবিগ্রহ কল্লেন কেন?

গোবিন্দ। [ কলিকাতে সজোরে ফঁ দিতে দিতে ] কুগ্রহ!—  
এই রামা!—গ্রহেতে পড়ে' কত লোকে কত বকম করে' উচ্ছন্ন যার, আমি বিয়ে করে' উচ্ছন্ন গিইছি। কোথেকে বার বছরের বোলে এক মহিষমর্দিনী ষোড়শী নিয়ে এসাম! আবও আগে দুবার বিয়ে করিছি—কিন্তু এমন জ্বরদন্ত গুরুমশায় স্ত্রী আর পূর্বে কখন



দেখি নি!—কথা গুলো যেন তা'কে বোলো না।—বাবা!  
কি সংযম আর কি শিক্ষার মাঝখানেই পড়িছিলাম! সকল রকম সং  
নেশা, আর সকল রকম সং স্ফুর্তি জীবন থেকে জমা খরচ কাটতে  
হইছিল।

ইন্দু। কেন?

গোবিন্দ। নইলে কেঁদে কেটে কুরক্ষত্র। আরে! নবোঢ়া  
ষোড়শীর অশ্রুবিন্দু মোচন করবার জন্তু কোন্ রসিক যুবা পুরুষ—এঁ্যা—  
তা সে যুবাই হোক আর প্রৌঢ়ই হোক—শুধু রসিকতার খাতিরে তার  
ডান হাত খান কেটে ফেলতে না পারে? কিন্তু সহিসুতার যে একটা সীমা  
আছে, তা আমি এত দিন কোন নবোঢ়াকে সম্যক হৃদয়ঙ্গম কর্তে  
দেখিনি। [ ধূমপান। ]

ইন্দু। সে বিষয়ে আপনার সঙ্গে মতে আমার বেশ মেলে।

গোবিন্দ। তাও ত বটে! তুমিও নতুন বিয়ে করেছ কি না। কেমন  
ঠিক না? হাঃ হাঃ হাঃ!—হঁ্যা তোমার স্ত্রী চপলাকে আমি কখন যে  
দেখিছি, তা মনে হয় না।

ইন্দু। [ স্বগত ] ছোটটিকে দেখলে কি বড়টিকে বিয়ে কর্তেন?  
[ প্রকাশে ] হঁ্যা, সে এত দিন কলকাতায় ইস্কুলে পড়ত কি না।

গোবিন্দ। তাও বটে। পাশ টাশও করেছে শুনিছি।

ইন্দু। হঁ্যা গতবার ফার্স্ট আর্টস্ পাশ করেছে! তা তাঁর আর কিছু  
শেখা হোক না হোক, জ্যেষ্ঠামিটা বিলক্ষণ শিখেছেন।

গোবিন্দ। হাঃ হাঃ হাঃ!—পাশ-করা মেয়েমানুষগুলো ঐ রকমই  
হয়। হঁ্যা, আমার স্ত্রীর কাল চিঠি পেলাম যে, চপলা আমার একখানা  
‘ফটো’ চেয়েছে! আমি এখানকার ছবিওয়ালা শ্রামসুন্দর ভট্টাচার্য্যাকে

ডাকতে পাঠাইছি। তার এখনই আনবার কথা আছে।—কিছু জল-  
খাবার আশ্রয় দিতে হচ্ছে। বড় ক্ষিধে পেয়েচে। কি বেটে  
গজিইছি, দেখছ বোধ হয়। আমার স্ত্রী বোধ হয়, ভেবেছেন যে, তাঁর  
বিরহে আমি একেবারে নীতকালের পদ্মার মত শুকিয়ে যাব। তা যে  
যাইনি, তা এ ‘ফটো’ পেলেই দেখতে পাবেন। তুমি এসবগুলো তাকে  
বোলো না যেন!—তুমি শীগ্গির জানাদি কর। আমার স্নান হয়েছে।  
কাপড় দিতে হবে বটে!—এই রামা, রামা!—বেটা ঘুমিয়েছে। বেটা  
কেবল ঘুমোর।—তোমার এখন দুদিন যাওয়া হচ্ছে না। দিন ১০।১৫  
থেকে যেতে হবে।—এই রামা! ওরে বেটা কুড়ের সর্দার হতভাগা  
লক্ষ্মাছাড়া শূণ্ডব গাধা নছার। [চক্ষু মুছিতে মুছিতে রামকান্তের  
প্রবেশ।]

গোবিন্দ। বেটাকে গাল না দিলে উত্তর দেয় না। ঘুমোজিলি  
কি ?

রাম। এজ্ঞে।

গোবিন্দ। এজ্ঞে!—বেটার বস্ত্র লজ্জা কবে না?—বেটা আহাম্মক  
বেহায়া পাঞ্জি।

রাম। [গমনোত্তত।]

গোবিন্দ। বেটা যাস্ যে! যাচ্ছিন্ কোথা?

রাম। আপনি তেতক্ষণ গাল দাও, মুই আর একটু ঘুমিয়ে নেই।  
কাল বাতে ভালো ঘুম হইনি, ভারি মশা!

গোবিন্দ। বেটার আঙ্গুরা দেখ!—ঘুম হইনি! বেটা নবাব।  
নিশ্চয় বেটা গুলি খায়। গুলি খাস্, না?

রাম। এজ্ঞে!

গোবিন্দ । আবার বলে এজ্ঞে ! বেটা যদিই বা খাস্, তা আমার সম্মুখে স্বীকার কর্তে লজ্জা করে না ? সটাং বলি এজ্ঞে !

রাম । তা মুনিবের সামনে কি মিথ্যে কইতি পারি ?

গোবিন্দ । উঃ ! বেটা ত ভারি সত্যবাদী । শোন্, একটা কাজ কর্ । পার্কি ?—হাঁই তুলছিষ্ যে !—পার্কি ?

রাম । এজ্ঞে, না ।

গোবিন্দ । আবার বলে 'না !' কাজ পার্কিনে ত আছিষ্ কি জ্ঞে ? বেটা গুলিখোর ! দেখাছি মজা । লাঠি গাছটা গেল কোথায় ?

রাম । এজ্ঞে কি কর্তি হবে বলেন না ।

গোবিন্দ । বেটাকে লাঠির ভয় না দেখালে বেটা কি কোন মতেই কাজ কর্তে চাইবে ? শোন্, শীগ্গির যা, আট পয়সার খুব ভালো কচুরি, আট পয়সার সিঙাড়া, দশ পয়সার সন্দেশ, আট পয়সার বঁদে, আব পাস্ যদি এক পোওয়া সবভাজা নিয়ে আয় । আগে এঁর লান কর্কার সব উছোগ করে' দে । ভালো ফুলল তেল দে, কাপড় দে । দেখছিষ্ নে, আমার ভায়রাভাই এসেছে ? আবার বেটা ঠা করে' দেখিষ্ কি । শীগ্গির যা । কাপড় তেল দিয়েই দৌড়ে এই পাশের দোকানে যা, আর দৌড়ে আস্বি—যেন এথেনেই ছিলি । যা—

রাম । [ যাইতে-যাইতে ফিরিয়া ] যদি পাশের দোকানে ভাল সন্দেশ না পাওয়া যায় ?

গোবিন্দ । তা'লে খুব দূরের একটা দোকান থেকে খারাপ সন্দেশ নিয়ে আস্বি । যা রোজই করে' থাকিষ্ ।

রাম । পচা নার্কলে আন্ব ?

গোবিন্দ । পচা নার্কলে আন্বি কিরে ? যা ভালো পাস । যা দৌড়ে, ভারি ক্রিধে পেয়েছে ।

রাম । ভালো খারাপ সন্দেশ মুই কমনে পাব ?

গোবিন্দ । ভারি বদমায়েস চাকর । তোকে ভালো খারাপ সন্দেশ আস্তে কে বলে ! যা ভালো পাস নিয়ে আসবি ।

রাম । আপনি এই বলে খারাপ সন্দেশ নিয়ে আয়, আবার এই বলে যে, যা ভাল পাস নিয়ে আয় ।

গোবিন্দ । আরে মোলো । এ আবার জেরা আরম্ভ কল্লে ! যা বল্ছি—যা শীঘ্যির, নইলে ভালো হবে না । লাঠিগাছটা গেল কোথা ?

[ লাঠি লইয়া পশ্চাৎদাবন ও রামকাস্তুর পলায়ন ]

গোবিন্দ । [ পুনরুপবেশন করিয়া সকাতরে ] চাকর বাকর মানে না ।

ইন্দু । তাই দেখ্ছি । আপনি যে 'নাই' দেন ।

গোবিন্দ । ওদের নিয়ে কি করি ভেবে উঠতে পাচ্ছিনে । গৃহিণী গিয়ে অবধি—ঐ যে কি সব বাক্স ফাক্স নিয়ে বোধ হয় ছবিওয়ালার আসছে । এঃ এত বেলায় ! তা যাও তুমি স্নান করে' নেও, আমি ততক্ষণ ছবি তুলে নেই । বেলা হয়েছে : একে ক্ষুধাতিশয়া, তাতে আবার খানিক ভোগান । “গণ্ডুশ্য উপার পিণ্ডকঃ ।” যাও শীঘ্যির, স্নান করে' নেও ।

[ ইন্দুভূষণের প্রস্থান ও ছবিওয়ালার প্রবেশ ]

গোবিন্দ । এই যে আসুন আসুন, বসুন ।

ছবিওয়ালার । আপনি কাজ ডেকে পাঠিয়েছিলেন, তাই এলাম ।

গোবিন্দ । বেশ করেছেন । এই রানা—না, সে ত বাজারে গিয়েছে—কে আছিস তামাক নিয়ে আর—ও বি, বি ।

ছবিওয়াল। না না ম'শায়! আমি দেরি কর্তে পার্কো না ।  
এক্ষণই রাজবাড়ী যেতে হবে । বেলা কর্তে পার্কো না ।

গোবিন্দ । একটু বসুনই না ।

ছবি । না না, আপনি শীঘির ঠিক ঠাক করে' নেন ।—[ যন্ত্র ঠিক করিতে করিতে ] আপনার এখানে ভালো চেয়ার আছে—নেই? তা দাঁড়িয়েই বেশ হবে' খুনি ।

গোবিন্দ । কেন ফরাসে বোসে ?

ছবি । ফরাসে বোসে কি ফটো তোলা যায়? আপনারা ত এ বিষয়ে কিছু জানেন না! যা বলি শুনুন! বসুন—আমি পেছনেব কাপড়খানা টাঙিয়ে দেই [ কথাবৎ কাণ্য ] আপনি এই জামগায় দাঁড়ান! আপনি কি এই বকম খালি গায়ে চেহারা নেবেন? তা বেশ, আপনার ইচ্ছা ।

[ বামকান্তের জলখাবাব লইয়া প্রবেশ ]

গোবিন্দ । এই যে! এতক্ষণ দেরী! [ বামকান্তের প্রশ্নান ].  
মহাশয়! একটু অপেক্ষা করলে হয় না? জলখাবারটা এয়েছে, পেয়ে নিই । বড় ক্ষিদে পেয়েছে ।

ছবি । না না, রোদ্র চ'ড়ে গেলে ভাল চেহারা উঠবে না ।

গোবিন্দ । তবে নাচার! [ জলখাবারের প্রতি বিষণ্ণভাবে দৃষ্টি ] ।

ছবি । ভয় কি? আপনার জলখাবাব ত—কেউ এখন থেকে কেড়ে নিয়ে যাচ্ছে না! [ গোবিন্দকে ধরিয়া দাঁড় করাইয়া ]

রসুন আমি একবার দেখে নিই [ বস্ত্র ঠিক করিতে ব্যস্ত ] অত পা ফাঁক  
ক'রে নয়। না না, কাছাকাছিও নয়। হাঁ এই বা হাতটা কোমরে  
কেন? আপনি ত নাচতে বাচ্ছেন না?

গোবিন্দ। নাচতে হবে না বুঝি?

ছবি। না!—বা হাতটা ওরকম ঝুলে চলবে না। না না, পিছন  
দিকে নয়। ও কি! বা হাতটা ভুঁড়ির উপর রাখলেন যে! লোকে  
ভাববে আপনার উদরাময় হয়েছে, তাই পেটটা চেপে ধরেছেন।

গোবিন্দ। পেটে উদরাময় না হোক বিবহানল হয়েছে।

ছবি। [ সবিস্ময়ে ] পেটে বিবহানল!

গোবিন্দ। আনাব বিবহানল পেটেই জ্বলে থাকে।

ছবি। বটে [ ফোকস্ করিতে ব্যস্ত ] ও কি? বা হাতটা ফের  
পেছনে কেন? আবার সম্মুখ দিকে ঝুলিয়ে রাখলেন? না না, ঝুলে  
চলবে না? হাঃ হাঃ হাঃ! বা হাতটা শেষে বুঝি মাথায় দিলেন?  
হাঃ হাঃ হাঃ!

গোবিন্দ। তবে কি হাতটাকে কেটে ফেলতে বলেন? হাতটা রাখি  
কোথা? এক জায়গায় ত রাখতে হবে।

ছবি। তাওত বটে! আচ্ছা রসুন। এই খামটা ধ'রে দাঁড়ান  
দেখি। এ—এ—এইবার বেশ হয়েছে। আর ডান হাতটা কোথায়  
রাখবেন?

গোবিন্দ। আমিও তাই ভাবছি। এদিকে ত আর কাছে ধাম  
নেই। আপনাকে ধ'রে দাঁড়াব নাকি?

ছবি। না না। তা কি হয়! আমি যে ছবি তুলব। আপনার ডান  
হাতে এক গাছ ছড়ি নিতে পারেন ত।

গোবিন্দ । যদি কিছু নিতেই হয়, তবে ঐ সন্দেশের রেকাবিটা নেই না কেন ? কিম্বা রেকাবিটা নেই বাঁ হাতে । আর ডান হাতে একটা সন্দেশ তুলে নিয়ে খেতে শুরু করি ।

ছবি । সে কি রকম !

গোবিন্দ । এই—আমি সন্দেশ খাই, আর আপনি চেহারা তুলুন । দুই কাজই এক সঙ্গে হ'য়ে যায় । আর হাত দুটোরও যা হয় এক রকম সদগতি হয় ।

ছবি । [ সন্দ্বিগ্নভাবে ] সে ভালো দেখাবে না ।

গোবিন্দ । বেশ দেখাবে । আর আমার ইচ্ছে যে ঐ রকম ক'রে চেহারা তুলি । আপনার ত তাতে কোন ক্ষতি নেই ।

ছবি । আপনি ত আচ্ছা লোক দেখছি ! তা নেন । আপনার যেমন মর্জ্জি—রেকাবিটা বাঁ হাতে এমনি ক'রে ধরুন । ডান হাতে সন্দেশটা তুলুন দেখি ।

গোবিন্দ । “কিং মোদকখণ্ডিকায়াম্ ? তেন হি অয়ং স্নগৃহীতো জনঃ”—[ সন্দেশভক্ষণ । ]

ছবি । [ যন্ত্রমধ্য হইতে তাঁহাকে দেখিতে দেখিতে ] তাই বলে' আপনি সত্যা সত্যিই সন্দেশ খেতে শুরু করেন না । সন্দেশটা মুখে তুলছেন, এই মাত্র কর্তে পারেন । মুখ নড়লে চেহারা উঠবে না । আপনারা এ সব জানেন না, যা বলি তা করুন । রসুন, আপনার মাথাটা ঠিক ক'রে নেই । মাথাটা তুলুন দেখি—অত উঁচু নয়, অত নীচু কেন ? একেবারে যে হেঁট হ'য়ে পড়লেন । না না, অত সোজা না । মাথাটা ডান দিকে বেঁকাছেন কেন ?—না না, বাঁ দিকেও নয় । এঃ ! আপনার মাথাটা নিয়ে কি করি ভেবে উঠতে পাচ্ছিনে ।

গোবিন্দ । কেন ? মাথাটা কেটে ফেলে হয় না ?

ছবি । আরে মশায়, বলেন কি ! মাথা কেটে চেহারা নেব কিসের ?

গোবিন্দ । কেন ? ভুঁড়ির । ঐ জন্তেই ত চেহারা তোলা ; মাথা কেটে ফেলে চেহারা তোলার কোন বিঘ্ন হবে না ।

ছবি । না না, তাওকি হয় । মাথা কেটে ফেলে কারুর চেহারা আমি এত দিন নিই নি । আর তা পার্বোও না ! ওকি ? পেছন ফিলে'ন কেন ?

গোবিন্দ । [ বিরক্তিসহকারে ] তবে মাথাটা নিয়ে আমি কি করব বনুন না ? উঁচু নয়, নীচু নয়, সোজা নয়, বেঁকা নয়, পেছনও ফিরে'না, তাই ত বলছিলাম যে, মাথাটা কেটে ফেলেই সব আপদ চুকে যায় ।

ছবি । ব্যস্ত হবেন না ! ঠিক ক'বে দিচ্ছি [ মাথাটা ধরিয়া ঠিক করিয়া ] এ—এই বাঃ ! বেশ হয়েছে । একটু হাসুন দিখি । অত হাসলে চলবে কেন ? দাঁত বেব করবেন না । অত গম্ভীর হলেন যে ?

গোবিন্দ । তবে কি করব ? হাঁস্ব অথচ দাঁত বের করব না ? আজ আমি ভারি জ্বালায় পড়েছি দেখছি ।

ছবি । [ চিন্তা করিয়া ] আচ্ছা একটা কোন বেশ আনন্দের কথা মনে করুন দিখি । হাঁ, এইবার বেশ হয়েছে । কি মনে করেছেন বলুন দিখি ।

গোবিন্দ । আমার গৃহিণীর হস্তের সম্মার্জনীর কথাটা ভাবছি ।

ছবি । [ ফোকস্ করিতে করিতে ] সেটা আপনার পক্ষে খুব



আনন্দের কথা হ'ল ! আমাদের পক্ষে ত সেটা তত আমাদের বোধ হয় না ।

গোবিন্দ । ভিন্নকিছি লোকঃ । আমার স্ত্রীর মত আপনার যদি সম্মার্জনীসঞ্চালনসুদক্ষ, লম্বা চোড়া, স্থূলমধ্যাক্ষ, তৃতীয় পক্ষের স্ত্রী থাকতো ত আপনারও তাঁর হস্তে সম্মার্জনীর ব্যবস্থাটা সম্পূর্ণ শাস্ত্রসঙ্গত ও অতি উপাদেয় বোধ হ'ত—মশায়, কথাগুলো ফটোতে উঠবে না ত ? তাঁর কাছেই ছবি যাবে ।

ছবি । না না, ভয় পান কেন ? নেন, একটা সন্দেশ ডান হাতে তুলুন । নড়বেন না । ঐ রকমই রাখুন । মুখটা সন্দেশের দিকে একটু স্নেহভাবে—হ্যাঁ, বাঁ হাতে রেকাবিটা এই রকম । আর একটু হাসি হাসি মুখ করুন দিখি । হ্যাঁ, হাতটা আর একটু—এই । ডান পাটা এই রকম । নড়বেন না । বেশ হয়েছে । স্থির থাকুন । নড়বেন না । [ যন্ত্রের মুখে ঢাকনি গুলিয়া বন্ধ কবিলেন ] বাস্, হ'য়ে গিয়েছে । এখন আপনি সন্দেশ খেতে পাবেন । দিন দশেকের ভেতরে আপনার চেহারা পাবেন । [ বস্তু গুছাইতে গুছাইতে ] যদি ভালো না উঠে থাকে ত আর একদিন এসে নিয়ে যাব । তবে আমি এখন যাই ।

[ বস্তুাদি লইয়া প্রস্থান ।

গোবিন্দ । বাপ্ । যেন ঘাম দিয়ে স্রব ছাড়ল । [ উপবেশন ] প্রিয়া আমার চেহারা পেয়ে কি খুসীই হবেন ! আঃ ধাওয়া যাক্ । এই রামা ! এক গেলাস জল নিয়ে আয় । শাঘ্যির ।

[ ইন্দুভূষণের প্রবেশ ]

গোবিন্দ । কি ইন্দু ! জান হলো ? এস, একটু জলযোগ করা

‘যাক্ । দাঁড়িয়ে দাঁড়িয়ে, পা ধ’রে গিয়েছে । আঃ! [ উভয়ের আহ্বারে  
প্রবৃত্ত ] বাপরে পোটে কি বিরহই জ্বলেছে । ধাও না ।

( মিঁ মিট—আড়া । )

তোমারই বিরহে মইরে দিবানিশি কত মই—

এখন, ক্ষুধা পেলেই খাই শুধু ( আর ) ঘুম পেলেই দুমোট ।

কি বস্ব আর—পরিভ্রাণ ( এখন ) একেবারে চিঁড়ে মই—

রোচে না ক মুখে কিছু ( আর ) পাঠার ঝোল আর জুচি বৈ ।

এখন সকালবেলা উঠে তাই, হতাশভাবে সন্দেশ খাই,

কতু তুখান সবপুরি—আর দুঃখের কথা কারে কই ?

দুঃখের বারিধির আমার কোন মতেই পাইনে বৈ—

—আবার বিরহে কুমি ( আমার ) ক্ষুধা জেগে ওঠে ঐ !

( এখন ) বিকেলটাও যদি হয় সর্কৎ পেয়ে কেটে যায়,

সন্ধ্যায় একটু হুইকি ভিন্ন প্রাণটা আর পাচে কৈ ?

কে যেন সদাই এ প্রাণের পাকা ধামে দিচ্ছে মৈ—

( তাই ) রাতে তু চার এয়ার ডেকে ( ৭ দাকণ ) বিরহের বোঝা বই ।

( এখন ) ভাবি ও বিধুবয়ানে ঘুম আসে না নয়ানে,

রাতির আর মধ্যাহ্ন ভিন্ন চন্দিশ ঘণ্টাই জেগে বই ।

বিরহেতে দিন দিন ওজনেতে বেশী হই—

এতদিনে কুমলেম প্রিয়ে ( আমি ) তোমা বই আর কারো নই ।

[ পটক্ষেপণ । ]



## চতুর্থ দৃশ্য

[ স্থান—হুগলির একটা ঘাটের সমীপবর্তী পানের দোকান ।  
কাল—গোধূলি । গোলাপী একাকিনী বসিয়া পান  
সাজিতে সাজিতে গান গাহিতেছিল ]

( সুর মিশ্র—খেমটা । )

আ রে খা লে মেরি মিঠা খিলি—  
মেরি সাথ বৈঠকে হিঁয়া নিরিবিলি ;  
রহা এতো দিন জীয়া—তুম্ বেকুফ নেহাইৎ—  
ইসি খিলি নেহী খায়া, ক্যা সরমকা বাৎ !  
ছনিয়া পর আ', কব্ তত্ত্ কিয়া কোন কাম ?  
আরে ছ্যাঃ ছ্যাঃ ছ্যাঃ ! আরে রাম ! রাম ! রাম !  
ইসনে খোড়াসে গুয়া আ ওর চুনা খুস বো ,  
কেয়া কৎ, বহৎ, কিসিমকা মশেলা হো ।  
বে ফরদা জান যো ইসি খিলি নেই খায় ,  
আরে ৎ ! ৎ ! ৎ ! আরে জায় ! হায় !

গোলাপী । এঃ ! ভারি মেঘ ক'রে এল যে । আজ আর আমার  
পান কিন্তে কেউ আস্ছে না । খিলি বিক্রি করে কি আমার চলে ?  
মামীটা দিলে বাড়ী থেকে তাড়িয়ে । বলে—এমন স্বভাব চরিত্রের  
মেয়ে সে বাড়ীতে রাখতে পারে না । নিশ্চই সেই পোড়ারমুখী টাপার  
এই কাজ । সে মামীর কাছে আমার নামে দিবারাত্রিই লাগাচ্ছিল  
কি না ! যদি বিদেশে এলাম চাকরি কর্তে, তা ছাই চাকরিই কি  
জুটলো ' একটা বাড়ীতে যদিই বা কত চেপ্টা চরিত্র ক'রে ঢুকলাম  
ত তারাও দিলে তাড়িয়ে । কেন না, গিনি এক দিন শুন্লেন যে.

আমি গান গাচ্ছি, আর কার সঙ্গে কবে একটু হেসে কথা কইছি,—  
সত্যি কথাটা—তাঁর কর্তাটিই এক দিন আমার সঙ্গে একটু বেশী  
রসিকতা কর্তে গিইছিলেন, গিন্নি তা টের পেইছিলেন,। থাক—অদৃষ্ট  
যা আছে, তা হবে। এঃ! আবার বৃষ্টি নামল দেখছি, কি করি?—  
এখন পানের দোকান খুলিছি, পরে আরো কি কর্তে হবে কে জানে!  
ঈশ্বর জীবনাটা দিইছিলেন, সেটা সং কি অসং বে উপায়েই হোক,  
রাখতে ত হবে। বাঃ! এ আবার কে আসে! মাথায় পাগড়ি, পরনে  
শাড়ীই যেন বোধ হচ্ছে, আবার পায়ে জুতো। মেয়ে মানুষ কি পুরুষ  
মানুষ—বোঝা যাচ্ছে না।

[ চপলার প্রবেশ ]

চপলা। কোথাও কিছু নেই, হঠাৎ বৃষ্টি। এই জায়গায় একটু-  
খানি অপেক্ষা করে নেই—বৃষ্টিটা থামুক। একটা স্ত্রীলোক দেখছি  
এক কোণে ব'সে রয়েছে। এব সঙ্গে ভাব করে' নেওয়া যাক।  
[ প্রকাশ্যে ] দেখ মেয়েমানুষটি! তোমার সঙ্গে আমার ভারি ভাব।

গোলাপী। তা ত হবেই! দবকার পড়লে সকলেই ভাব কর্তে  
আসে। আবার দবকার শেষ হয়ে গেলে একেবারে ভুলেও যায়। বাইরে  
বৃষ্টি কিনা, তা এখন আমার সঙ্গে ভাব হবে বৈ কি!

চপলা। [ স্বগত ] স্ত্রীলোকটি মুখরা [ প্রকাশ্যে ] কেন, আমার  
সঙ্গে ভাব কর্তে তোমাব আপত্তি আছে?

গোলাপী। সে তুমি মেয়ে মানুষ কি পুরুষমানুষ না জানলে বলি  
কেমন করে?

চপলা। কেন, সেটা কি এখনো ঠিক করে' উঠতে পার নি?

গোলাপী। কৈ আর পেরেছি? শাড়ী-পরা পুরুষ মানুষ আমি এত

দিন পর্য্যন্ত দেখিনি। আবার জুতো পায়ের দেওয়া আর মাথায় পাগড়ি-  
পরা মেয়ে মানুষ দেখাও আমার ভাগ্যে আজ পর্য্যন্ত ঘটে ওঠে নি।

চপলা [ স্বগত ] আবার রসিকা [ প্রকাশে ] এ রকম পোষাক  
দেখনি ? এ নব্যদের পোষাক। আমি এক জন নব্যা।

গোলাপী। নব্যা পুরুষ না নব্যা স্ত্রীলোক ?

চপলা। হাঃ হাঃ হাঃ ! নব্যা পুরুষ ! আকারান্ত শব্দ কখন  
পুরুষ হয় ?

গোলাপী। হবে না কেন ? বাবা মামা দাদা কাকা সবই ত  
আকারান্ত, আর তাঁরা পুরুষ বলেই ত আমার এত দিন জ্ঞান আছে।

চপলা। [ স্বগত ] আবার কতক শিক্ষিতা ! [ প্রকাশে ] তা বটে,  
কিন্তু ও গুলো ত সংস্কৃত শব্দ নয় ! তা যা হোক, তোমার বাবা মামা দাদা  
কি কাকা কেউ নেই ?

গোলাপী। আছে শুভে পাই।

চপলা। কেন ? তারা তোমার খোঁজ নেয় না ?

গোলাপী। নেয় কি না নেয়, তোমার তা জেনে কিছু দরকার  
আছে বলতে পার ?

চপলা। আহা, চট কেন ?

গোলাপী। [ কতক মোলায়েম ] সমস্ত দিনটা চাকরির খান্কার ঘুব  
কিছু হলো না, ইতে মেজাজটা কি খেজুর গুড়ের কলসী হয়ে থাকবে ?

চপলা। তুমি চাকরি করবে না কি ?

গোলাপী। পেলেই করি।—পাই কই ?

চপলা। তুমি কি কাজ জানো ?

গোলাপী। এই নাচতে জানি, গাইতে জানি। কিছু কিছু লেখা-

পড়াও জানি, পাড়াগাঁয়ের পাঠশালার পড়েছিলাম, তার পর বাড়ী বসেও পড়েছি। অন্য কাজের মধ্যে ছোট খাটো সব কাজ কর্তে পারি, —যেমন চিঠিখান ডাকে দেওয়া, ধরদোর পরিকার রাখা, বিছানা করা,— এই রকম ছোট খাট কাজ।

চপলা। তবে বেশ হয়েছে। আমি ঠিক ঐ রকম লোক একটা খুঁজছিলাম। আমি সম্প্রতি স্বামীব বাড়ী যাব, সঙ্গে নিয়ে যাব। তুমি আমার কাছে থাকবে ?

গোলাপী। তা—তা রাখলেই থাকি।

চপলা। আমার কাছে তোমাকে কাজ বড় কর্তে হবে না। আমল কাজের মধ্যে আমাকে বেশ ভালো মেজাজে রাখা।

গোলাপী। [ লজ্জিত ভাবে ] তা থাকবে। তবে মাঠনেটা—

চপলা। সে ঠিক কবে, দেব। দেখ, কাল সকালে তুমি আমাদের বাড়ীতে যেও। আমার নাম চপলা। আমি এখানে এখন আমার বাপের বাড়ীতে আছি; সে বাড়ী কোথায় জানো? বড়বাজারে চাটুর্ঘ্যদেব বাড়ী বলে সকলেই চিনিয়ে দেবে। আমার বাপ নীলবতন চাটুর্ঘ্য, এখানকার জমীদার। বৃষ্টি থেমেছে। আমি যাই। [ গমনোক্ত ] বড়বাজারে বাবু নীলবতন চাটুর্ঘ্যের বাড়ী, মনে থাকবে ?

গোলাপী। [ সম্মুখে উঠিয়া ] হ্যাঁ, থাকবে।

চপলা। আচ্ছা। কাল সকালে দেখতে পাবে যে, আমি নিজের দরকার শেষ হলেই ভুলে যাইনে। [ প্রস্থান ]

গোলাপী। এরই বলে কপাল। পড়তে না পড়তে উঠিচি। এখন প্রদীপ জালা যাক। [ প্রস্থান ]

## পঞ্চম দৃশ্য

[ স্থান,—হুগলিতে নীলরতন চট্টোপাধ্যায়ের গৃহাস্তঃপুরের দি।  
কাল,—সন্ধ্যা! চপলা, নির্মলা ও ভট্টপল্লী  
হইতে আগতা তাঁহার বন্ধুদ্বয় দামিনী  
ও যামিনী আসীনা ]

দামিনী । আহা, এই সৌধচূড়ার কি শোভা !

যামিনী । আহা !

দামিনী । উপরে নিম্মুক্ত সান্ধ্য নীলাকাশ ।

যামিনী । পদতলে মুঞ্জরিতকিশলয়দলশ্রামলা ধবিত্রী ।

দামিনী । আহা কি মধুরই বা মলয় পবন ।

[ গীত ]

( আনোয়া—ঝাঁপতাল )

ধীর সমীরণে মধুর ময় মাসে,  
নিয়ত কিসের মত কি যে আশে ভেসে আসে -  
না জানি কেন এত সুধা মলয় বাতাসে,  
কি সুখে ধরা ফুলভরা এত হাসি হাসে,  
শ্রোমের কথা পবন সনে পাঠায় সে কাহার পাশে,  
এত কুহুধরে শ্রাণ ভরে' কারে ভালবাসে ।

যামিনী । আর কোকিলকৃষ্ণনট বা কি মধুর । [ গীত । ]

( গৌড় সারং—ঝাঁপতাল )

কি জানি কেন কোয়েলা গায় এত মধুর গানে ।  
ও কুহু কুহু, কুহুর তান শিখিজ কোন্‌খানে ।  
কত যে নব মিলনকথা, কত দীর্ঘ বিরহব্যথা,  
লুকানো ঐ কুহু কুহু কুহু কুহুর তানে ।

বলে সে বৃষ্টি" এসেছি আমি ওগো এসেছি আমি,  
 বিশ্ব ভরা অমিয় লয়ে স্বর্গ হ'তে নামি,  
 সঙ্গে লয়ে শ্যামল ধরা, পুষ্পিত সুগন্ধভরা,  
 সঙ্গে লয়ে মলয়মধু তব সন্নিধানে।"  
 মধুরতর মিলন গাথা গেয়েছে কবি শত,  
 গায়নি কেহ বিরহগান পাখীয়ে তোরই মত।  
 —কি অশুরাগ কি অনুনয়, কত বাসনা বেরনাময়,—  
 ও কুহু তাই আকুল করে বিরহীজন প্রাণে।

দামিনী । অ হ হ । [ গলগদভাবে অবহিত । ]

যামিনী । সখিবে ! [ তদ্বৎ । ]

দামিনী । [ চপলাকে ] তুমি একটা গাও না সহচরী ।

যামিনী । হাঁ হাঁ—একটা বসন্তবিষয়ক !

নিশ্চলা । ওর গলা আছে বেশ, তবে গান বড় শিথিলি ।

দামিনী । একটি গাও না স্বজনি ।

যামিনী । হাঁ একটি বসন্তবর্ণনা জানো ?

চপলা । জানি বৈ কি । তবে বর্ণনাটি আপনাদেব মনোমত হবে  
 কি না বলতে পারি নে ।

দামিনী । তা হবে তা হবে । তুমি গাও ।

যামিনী । [ ভাবী গানের বসন্তাদন কবিত্তে কবিত্তে ] আহা !

চপলা । আচ্ছা গাই । বর্ণনাটী কিন্তু একটু মারাত্মক !

[ গীত ]

( বসন্ত—একতালা )

দেখ সখি দেখ, চেয়ে দেখ বৃষ্টি শিশির হইল অস্ত,  
 বৃষ্টি বা এবার টেঁকা হবে ভার—সখিরে এল বসন্ত ।



দামিনী । বাঃ বেশ । আরম্ভটি খাসা । বসন্ত রাগ দেখছি ।

বামিনী । সুন্দর । তবে 'টেঁকা' কথাটা—

চপলা । শুনে যান, আরও আছে । [ গীত ]

বহিছে মলয় আকুলি, বিকুলি, রাস্তায় তাই উড়ে যত ধুলি

এ সময় তাই বিরহিণীগুলি—কেমনে হবে জীবন্ত ।

দামিনী । বসন্তে বিরহ শাস্ত্রসিদ্ধ । তবে রাস্তার ধুলো ওড়ার উল্লেখ না কল্লোও চলত ।

বামিনী । অস্তুতঃ কোন কবি আজ পর্য্যন্ত সেটা করেন নি ।

চপলা । কিন্তু কথাটা সত্য কি না ? [ গীত । ]

কর কর কর কুলু কুলু কুলু বহে ঘাম সব গাড়ে—

শুশুনে মাছি দিনের বেলায় শশুনে মশা রাড়ে—

দামিনী । বসন্তে ঘাম বজার কথা কালিদাসের ঋতুসংহাবে ত নেই ।

বামিনী । আর কোকিল ভ্রমর এ সব থাকতে মশা আর মাছির কথা আনাটা ভালো হয়েছে সখি ?

চপলা । ভ্রমর ও কোকিল আসছে । ব্যস্ত হবেন না ।

[ গীত ]

ডাকিছে কোকিল কুহ কুহ কুহ, গুঞ্জরে অলি মুহ মুহ মুহ,

বাঁচিনে বাঁচিনে উহ উহ উহ—হি হি হ হ হ হ হস্ত ।

দামিনী । এটুকু মন্দ নয় ।

বামিনী । হ্যাঁ, তবে ভাবাটা একটু উচ্ছৃঙ্খল ।

চপলা । শুনে যান না ; শোনার পর সমালোচনা করবেন ।

[ গীত ]

পতি কাছে নাই পতি বিনা আর কে আছে নারীর সখল,

দামিনী ও যামিনী । বাঃ বেশ বেশ !

কাচ আঁব দুটো পেড়ে আন্ সখি গুড় দিয়ে রাঁধ্ অন্নস ।

[ দামিনী ও যামিনীর সবিষয়ে পবস্পারের প্রতি দৃষ্টিপাত ]

স্মরণে যে ধারা বহে—রসনায়ে, কি করি কি করি, বঁচা হল দায়,

ভাড়া-ঘরটা আর তবে অন্ন করে' আসি লো তদন্ত ।

দামিনী । বসন্তবর্ণনাটি উত্তম নয় ।

যামিনী । নাঃ—এদব সম্পূর্ণ শাস্ত্রবিকৃত ।

চপলা । কিন্তু স্বভাব-সঙ্গত । [ গীত ]

দেখ সখি দেখ, বাছারেতে বৃষ্টি ঘি চুখ হইল সস্তা ,

কিনে আন্ খেয়ে গব্য করে' নেই বিরহের ভার বস্তা ।

দামিনী । সখি সখি !

যামিনী । এ কি ? এ যে অলঙ্কার শাস্ত্রকে বদ কব !

চপলা । [ কর্ণপাত না কবিয়া গাঠিয়া চলিলেন ]

হেরি যে বিশ্ব শূন্যময়, নে', গেয়ে নিয়ে শুই বিরহ-ধনে,

পড়ি গে' অন্ন মুদিও নমনে শোণেবকাগুলি গ্রথ ।

দামিনী । সখি থাক্ আঁব গাঠিতে হবে না ।

যামিনী । হাঁ আর কাজ নাই । ক্ষান্ত হও ।

চপলা । আর এক কলি নাত্র আছে । [ গীত ]

নিয়ে আঁব সখি ববদ--নাইলে মরি এ মনষ বালাসে,

নিয়ে আঁব পাগা—এলনাক পতি—তাত যে মানের ২৭৫ -

নিয়ে আঁব পান ওস আন ছাই—বিরহের ওত ছালা—মরে' যাত

দাড়াইয়ে কেন হাসি লো ভাই বাহির করিয়ে দন্ত ।

দামিনী । এ গান বসন্তের অবমাননা ।

যামিনী । বিরহের অপবাদ ।

চপলা। [ সহসা ] উহ, উহ! [ বহে হাত দিয়া উর্দ্ধমুখে  
মরি যে!—

দামিনী ও যামিনী। কি হয়েছে সখি ?

চপলা। [ চীৎ হইয়া পড়িয়া ] ভয়ঙ্কর বিরহ সখি, ভয়ঙ্কর  
বিরহ। শাস্ত্রে বিরহের কি কি অবস্থা আছে বল, শীগ্গির  
শীগ্গির সেরে নেই। আমার প্রাণকান্ত যে কখন এসে পড়ে  
ঠিক নেই।

দামিনী ও যামিনী। সমাধিসিহি! সমাধিসিহি!

চপলা। [ উঠিয়া ] আঃ—বাচলেম। কই কান্ত কই? পতি  
কই? বল সখি কি কর্তে হবে বল—এখন আমি মূর্ছা যাব? না  
হাস্ব? না কাঁদব? না সন্দেশ খাব?

[ গোলাপীর প্রবেশ ]

গোলাপী। ছোট দিদিমণি। আপনি একবার বাহিরে  
আসুন ত।

চপলা। কে—ডাকলে?—উঃ—গোলাপী?—বকফ এনেছ?—চল  
—যাই—ওঃ—[ উভয়ের প্রস্থান। ]

দামিনী। তোমার ভগ্নীটি সত্যই চপলা।

যামিনী। একটু অধিক মাত্রায়।

নিম্মলা। ওর হাসি তামাসা ঠাট্টা করাটাই স্বভাব।

দামিনী। বসন্তের একরূপ বর্ণনা! যাকে জয়দেব বর্ণনা কবেছেন  
—ললিতলবঙ্গলতাপরিশীলনকোমলমলয়সমীরে

যামিনী। মধুকরনিকরকরধিতকোকিলকুঞ্জিতকুঞ্জকুটীরে।

দামিনী। আহা। এই ত বসন্ত।

যামিনী । আহা ! এই রকম বসন্তেই ত হয় বিরহ ।

দামিনী । এই সময়ে তুমি তোমার প্রাণপতিকে ছেড়ে আছ কেমন করে সখি ?

\*যামিনী । সত্য, সহচরি !

[ হাসিতে হাসিতে চপলার প্রবেশ ]

চপলা । হাঃ হাঃ হাঃ—

নির্মলা । [ চমকিয়া ] কি লা ?

চপলা । হিঃ হিঃ হিঃ—

নির্মলা । হাসিস্ কেন চপলা ?

চপলা । হোঃ হোঃ হোঃ—

নির্মলা । হেসে যে গড়িয়ে পড়লি । হরছে কি ?

চপলা । ফিরিছে ।

নির্মলা । কে ?

চপলা । নিম্নে ।

নির্মলা । কোন্ নিম্নে ?

চপলা । স্বীমোকের আবার ক'টা করে' নিম্নে থাকে ! সেই নিম্নে—সাপু ভাষায় মন্ত্রণ, যে আমাকে বিয়ে করে'—সাপু ভাষায় পাণিগ্রহণ করে', কৃতার্থ করেছে । এক কথায় আমার স্বামী—হোঃ হোঃ হোঃ ।

[ হাসিতে হাসিতে দৌড়িয়া প্রস্থান ]

দামিনী । [ গম্ভীরভাবে ] সখি ! আমরা উঠি ।

যামিনী । হাঁ উঠি ।

নির্মলা । কেন ? কেন ?

দামিনী । সখি, মনে বড় বাথা পেইছি । [ উত্থান । ]

যামিনী । হৃদয়ে বড় আঘাত পেইছি । [ উত্থান ]

নির্মলা । কেন ? কেন ভাই ।

দামিনী । যখন আমরা প্রেমের চিন্তায় মগ্ন, তখন এইরূপ তৌমার  
ভগ্নীর হৃদয়হীন উচ্চহাস্য !

যামিনী । এই প্রেমের অবমাননা !

নির্মলা । না না, বোস ভাই, চপলের ঐ রকম স্বভাব,, সব বিষয়েই  
হাসি ভামাসা ।

দামিনী । আব ভাব উপবে স্বামীর প্রতি এরূপ অবজ্ঞাপূর্ণ  
বিশেষণ প্রয়োগ ! মিন্সে । কোথায় বন্বে কান, নাথ, প্রাণেশ্বর,  
হৃদয়দেবতা—না মিন্সে

যামিনী । কোথায় বন্বে জীবনবল্লভ, হৃদয়সর্কার, প্রেমকাণ্ডানী,  
হৃৎসরোজসূর্য্য—না মিন্সে ! না সখি ! জাননা বাই ।

নির্মলা । না না, বোস না ভাই—ওর কথা ধর্তে আছে ?

দামিনী । কখন না ।

যামিনী । [ বঙ্কু হাত দিবা ] ওঃ—

[ উভয়ের প্রশ্নান ও গোলাপীর প্রবেশ ]

গোলাপী । [ নির্মলাকে ] আপনার জন্য ছোট জামাইবার  
এই চিঠিখানি পাঠিয়ে দিলেন । বঙ্কুন যে, নিজে একটু পরে  
আসছেন ।

নির্মলা । [ সাগ্রহে ] কৈ কৈ ? [ পত্র লইয়া খুলিয়া পাঠারম্ভ ও  
গোলাপীর প্রশ্নান ]

নির্মলা । তাই ত ! কথা শুলো ত বড় ভাল ঠেকছে না ।

কি জানি কেন, আর আমার এখানে একদণ্ড থাকতে মন সন্নে না। দেখি তার পরে কি লেখে। [ পাঠ ] “আমার মানসিক অবস্থার নাকি ছবি তোলা যায় না, তাই পাঠাইতে পারিলাম না। আমার শোচনীয় শারীরিক অবস্থা তোমার অল্পজ্ঞানত প্রেরিত ছবিতে কথঞ্চিৎ বৃত্তিতে পারিবে।”—কৈ ছবি ত পাঠায়নি।

[ চপলার প্রবেশ। ]

চপলা। হাঃ হাঃ হাঃ। এমন কালি কালি মেখে এয়েছে যে চেনবার ঘো ছিল না। মুখ বুচ্ছিল, আর আনি এক চিলম্টি জল তার মাথায় ঢেলে দিইছি।

নিশ্বলা। চপলা, চিঠিতে লিখেছে যে ছবি পাঠিয়েছে। তা কৈ—ছবি কৈ? ভিজেনা করে’ আর ত।

চপলা। যেতে হবে কেন? ঐ যে, অশ্বখবৃক্ষের ভিতর দিয়া পূর্ণচন্দ্রের উদয় হইতেছে।

[ ইন্দুবৃক্ষের প্রবেশ ]

ইন্দু। [ চপলাকে ] বেশ! সুন্দর অভ্যর্থনা! ভগলী জেলার কুবি মাথায় ঘোলা জল ঢেলে আদর করে?

চপলা। মাথা ঠাণ্ডা করে’ দিলান।

ইন্দু। তা বেশ! [ নিশ্বলাকে ] কি দিদিমনি! গোবিন্দ বাবুর চিঠি পড়ছেন?—এ যে দিল্পে খানিক।

চপলা। গাধার মোট কি না, অন্ন হলে ত ডাকেই পাঠাতে পার্টেন।

ইন্দু। কি কৃতজ্ঞতা! আমি চিঠিধান বয়ে’ নিয়ে এলাম, তার বিনিময়ে আমাকে গাধা বানাবার চেষ্টা?

চপলা । সে আর বানাতে হবে কেন ?

ইন্দু । কি রকম !

চপলা । বলি' সে ত গোড়াগুড়িই আছ !

ইন্দু । বাঃ পতিভক্তির পরাকাষ্ঠা !

নিশ্চলা । সেখানে সব কেমন দেখলে ? তা'রা সব ভালো !

ইন্দু । তা'রা মানে তিনি, আবার তিনি মানে গোবিন্দ বাবু ।  
“ভালো আছেন” ? তা আর বলে' কাজ কি ? আপনি এসে অবধি  
তাঁর শরীরের পরিধি যেরূপ দিন দিন গুরুপক্ষের চক্রকলার মত  
পরিবর্দ্ধিত হচ্ছে, তাতে শীঘ্রই তাঁর যৌলকলা পূর্ণ হবে । ভয় নেই ।  
তা ভয় নেইই বা কেমন করে' বলি । [ মস্তক কণ্ঠয়ন ]

চপলা । কেন ?

ইন্দু । না, আর কিছু নয়, তবে তাঁর মধ্যদেশ বেকপ ক্রমাগত  
বেলুনের মত স্ফীত হচ্ছে, তা'তে, যদি তিনি কেটে না যান ত শীঘ্রই  
আকাশমার্গে উদ্ভটীন হবেন ।

নিশ্চলা । তোমার তামাসা রাখ দিখি ।

ইন্দু । তামাসা ।—তবে এই দেখুন তাঁর ছবি । [ পকেট হইতে  
বাহির করিয়া একখানি ছোট ফটো নিশ্চলাব হস্তে দিগেন ]

নিশ্চলা । [ ছবি সাগ্রহে লইয়া ক্ষণেক দেখিলেন ও পরে তাহা  
স্বতঃই তাঁহার হস্ত হইতে স্থলিত হইল ]

চপলা । কৈ দেখি ! [ ছবি কুড়াইয়া লইয়া ] এই গোবিন্দ  
বাবুর চেহারা নাকি ? এ কি অসুভ্য রকম চেহারা ! খালি গায়ে !  
—হাঃ হাঃ হাঃ আবার হাসি হচ্ছে ! আবার এক হাতে একটা  
রেকাবি, আর এক হাতে একটা বুদ্ধি সন্দেশ মুখে দেওয়া হচ্ছে । হাঃ

হাঃ হাঃ ভারি মজার লোক ত। আমার তাঁর সঙ্গে আলাপ কর্তে ইচ্ছে হচ্ছে যে।

উন্দু। [ নিশ্চল্যাকৈ ] কি দেখলেন! যে আপনার বিরহে তিনি ছিন্নমূল মাধবীলতার মত শুকিয়ে যান নি।

নিশ্চল্য। আর কাটা বায়ে ত্বনের ছিটে দেও কেন?

[ সবগে প্রশ্নান ]

চপলা। দিদিমণি অত দুঃখিত হলেন যে?

উন্দু। বোধ হয় তাঁর স্বামী তাঁর বিরহে মোটা হয়েছেন দেখে। স্ত্রীরা ভাবেন যে তাঁরা নইলে স্বামীদের চলে না। তা যে চলে, তাই শুধু আমি দেখাচ্ছিলাম।

চপলা। তবে ত্বান বিরহে কৰ্ত্তে গিয়েছিলে কেন? তোমাকে ত আব বাপ মারে ধরে' বিয়ে দেইনি।

উন্দু। পুরুষমানুষগুলো জীবনের মধ্যে একবার ক্ষেপে। সে বিয়ে করবার আগেই। একটা ক্ষুদ্রবেণীসম্বন্ধিত মাথার নীচে একটা ছোটখাটো গোনগান মোলায়েম মুখ দেখে বুদ্ধি শুদ্ধি হাবিয়ে সে একটা কাজ করে' ফেলে, যার উত্তর তাকে আজীবন অনুতাপ কর্ত্তে হয়।

চপলা। তা বটে, তবে সে ক্ষেপানীলি স্ত্রী থাকলেই যায়, স্ত্রী মলেই আবার হয়। গোবিন্দ বাবুই তাঁর দৃষ্টান্ত। বরং স্বামী নইলে স্ত্রীর কতক চলে।

উন্দু। কিসে?

চপলা। কিসে? স্ত্রী বার বছরে বিধবা হলেও আবার বিয়ে না



করে' থাকতে পারে। আর পুরুষ ৬০ বছরেও স্ত্রী মলেই আবার বিয়ে না করে, থাকতে পারে না।

ইন্দু। তবে তোমরা প্রথমবারেই বা বিয়ে কর কেন ?

চপলা। টাকা রোজগার করবার জন্তে একটা স্বামী দরকার, তাই। [কাছে গিয়া ইন্দুর বক্ষঃস্থলে তর্জনী দিয়া মৃদুস্বরে] মোট বইবার জন্ত প্রতি ধোপানীরই একটা করে' গাধা থাকে।

ইন্দু। এই গাধাদেরই বুদ্ধিতে তোমরা ছু মুঠো খেতে পাও। আমরা নইলে কি তোমাদের চলে সোনার-চাঁদ ?

চপলা। বটে! আমাদের বুদ্ধিতেই তোমরা করে' খাও! শ্রীকৃষ্ণ সারথি না থাকলে অর্জুনের সাধ্য কি যে যুদ্ধ করতেন। আমরা নৈলে তোমাদের কি চলে দস্তম্বাণিক ?

ইন্দু। তার দৃষ্টান্ত গোবিন্দ বাবু। তাঁর চন্ডে কেমন করে' মানিকজোড় ?

চপলা। তাঁর বাড়িতে কি স্ত্রীলোক একেবারে নেই !

ইন্দু। তাঁর ভগ্নী আছেন বটে !

চপলা। দেখলে ফটিকচাঁদ।

ইন্দু। তিনি নইলে কি আর গোবিন্দ বাবুর চন্ড না ?

চপলা। তবে দেখবে গোপালধন ?

ইন্দু। কি ?

চপলা। পনের দিনের মধ্যে দিদিমণিকে নিতে লোক আসবে।

ইন্দু। দেখি।

চপলা। তা'হলে স্বীকার করো যে বুদ্ধিতে তোমাদের হার ?

ইন্দু। হাঁ। আর দিদিমণিরও একটু উপকার হয়।

চপলা । গোবিন্দ বাবুকে কিছু বলে' দিতে পারে না ।

ইন্দু । না, আমি তাঁকে কিছু বলব না ।

চপলা । আর তোমারও একটু কাজ কর্তে হবে । আমি নিজেই কর্তাম, যদি তাঁর সঙ্গে আলাপ থাকত ।

ইন্দু । কি ?

চপলা । বেশী কিছু নয় । সত্বদেশে দুই একটা সাদা মিছে কথা ।

ইন্দু । তথাস্তু । তবে—

চপলা । এখন চল নীচে । [ যাইতে যাইতে ] যা' বলি কব দোখ । তার পর দেখো যা' বগিছি তা হয় কি না । হাঃ পুরুষ মানুষগুলোকে এই কড়ে' আঙ্গুলেব ওপবে করে' যুরাতে পাবি ।

ইন্দু । [ যাইতে যাইতে স্বগত ] আমাকে ত পাব ।

[ উভয়ের প্রস্থান ]

—

## দ্বিতীয় অঙ্ক

### প্রথম দৃশ্য

স্থান—গোবিন্দের বহির্কোণী । কাল—সন্ধ্যা । ডাইনে বাঁধা সহকাবে গোবিন্দ একাকী করাসে উপবিষ্ট ।

গোবিন্দ । [ তবলাতে টাটী দিতে দিতে ] আজ বাদলার দিনে কেউ যে এ মুখো হচ্ছে না । লোকগুলোব কি বাড়ী থেকে বেবৎব নামটি নেই ! ইবিব জন্মে ত লোকে বিয়ে কবে । এসময়ে প্ৰিয়ব নথ-আন্দোলন মনে পড়ছে, আব আমাব প্ৰাণটা হা হতাশ কবে' উঠছে । বৃষ্টি-বাদলাব দিনে একটা স্ত্রী বিশেষ দরকার ।—ঐ রামা ! বেটা যুমোচ্ছে—ওবে হতভাগা গুলিখোর, ষণ্ডামার্ক, মুন্দোফবাস, হাড়ি ডোম—

নেপথ্যে । এজে যাই ।

গোবিন্দ । [ ভেঙ্‌চাইয়া ] এজে যাই ! এক ছিলিম তামাক নিয়ে আয়—শীঘ্যির । কি যে করি, ভেবে পাইনে—ঐ যে গোকুল ভায়া ছাতি মাথায় দিয়ে যাচ্ছে । ওহে গোকুল ভায়া এস এস ।

নেপথ্যে । না না ও পাড়ায় বিশেষ দরকাব আছে ।

গোবিন্দ । আরে ছত্তর দরকার ।—একটা গান গেরে যাও ।

নেপথ্যে । আমি গাইতে জানি না ।

গোবিন্দ । তবে একটু নেচে যাও ।

নেপথ্যে । না না বাড়ীতে ব্যারাম । ডাক্তারখানায় যাচ্ছি—

গোবিন্দ । এঃ চলে গেল !

[ রামকান্তের প্রবেশ ও ভাঁকা দিয়া প্রস্থান ]

গোবিন্দ । কি করা যায় ! স্ত্রীটা ফটো পেয়েও এলো না । এদিকে আমার বুদ্ধিদাত্রী বোনটিও চলে' গেল । বলে' গেল যে বসে থাক না, স্ত্রী তিন মাসের মধ্যেই চলে' আসবে । তা ত আর আসবার কোন লক্ষণই পাওয়া যাচ্ছে না । একখান চিটিই বা লিখল কৈ ?—ঐ যে বংশী যাচ্ছে—ওহে বংশী ! একবার এস না এদিকে ।

নেপথ্যে । না না দবকার আছে—

গোবিন্দ । ঙ্গঃ—একবারে হন্ হন্ করে' চলে গেল । এ ষাদশাব দিনে কোথায় একটু কাজের লোকের মত এসে দু ছিলিম তামাক খাবে, তাস পিটবে, একটু হইস্কি খাবে দুটো খোসগল্প করবে—না সব কুড়ের মত ছাতা মাথায় দিয়ে এ পাড়া ও পাড়া করে' বেড়াচ্ছে । নাঃ হইস্কির বোতলটা আনান যাক ।—এই বামা, এই বেটা মুড়ে গাধা ।

রামকান্ত । [ প্রবেশ করিয়া মুখ খিচাইয়া ] কি—

গোবিন্দ । “কিঃ ?” বেটা নেন নবাব ! ফের যদি ও রকম উত্তর দিবি ত লাঠি দিয়ে তোব হাত ভেঙ্গে দেব । যা নীঘ্যির হইস্কির বোতলটা নিয়ে আয়—আর একটা গেলাস ।

[ রামকান্তের প্রস্থান ও পুনঃ প্রবেশ এবং বোতল ও

গেলাস দিয়া পুনঃ প্রস্থান ]

গোবিন্দ । [ বোতল খুলিয়া মদিরা ঢালিতে ঢালিতে ] একটু কোম্পানির উপকার করা যাক ! [ সুর করিয়া ] “সন্ধ্যায় একটু হইস্কি

ভিন্ন প্রাণটা আর বাচে কৈ ।” এঃ পীতাম্বর যে ; আবার সঙ্গে গদাও  
যে—এস এস ভায়া, এস বাবাজি ।

[ পীতাম্বর ও গদাধরের প্রবেশ ]

গোবিন্দ । হইন্দির গন্ধ অত দূর থেকে পেয়েছ ? আচ্ছা নাক  
বাবা ! কি, পীতু, সব ভাল ত ? বলি শশীর খবর কি ? তার  
ভায়ের স্ত্রীটি না কি মারা গিয়াছে ! এই রামা—হরিতারণ স্বশুরবাড়ী  
এসেছে শুন্দাম । তাকে ধবে নিয়ে আসতে পাল্লে না ? সে এবাব  
ভারি মুটিয়েছে । গদা !—শ্যামচাঁদেব মাছ খেতে খেতে কাঁটা গলায়  
বেধেছিল যে তা গিয়েছে ? এই রামা দুটো গেলশ নিয়ে আয় ।  
—গোপাল বাবুর বড় মেয়েটি বিধবা হয়েছে ।—আহা ! তার রয়স  
কত ? ১৫।১৬ বছর হবে না ?—সিক্বেশ্বরের কোন খবর টবব পেলে ?

পীতাম্বর । তুমি একাই যে সব করে ফেল্লে হে ।

গোবিন্দ । আবে সমস্ত দিনটা কথা কইতে না পেয়ে পেট ফেঁপে  
মরি আর কি । তোমবা এলে, একটু কথা কয়ে' বাঁচন্দাম । এই বামা  
—বেটা নিশ্চয় ফের ঘুমিয়েছে । এই যে—

[ রামকাস্তুর প্রবেশ ও দুটো গেলাস রাখিয়া প্রস্থান ]

গোবিন্দ । [ মদিরা ঢালিতে ঢালিতে ] আমার সোডা করিয়ে  
গিয়েছে, জল দিয়ে খেতে হবে । এ বাদলার দিনে চারটি চাল ভাজতে  
বস্ব ? [ পূর্ণ পাত্র উভয়কে প্রদান ] ।

পীতাম্বর । আমরা বেশীক্ষণ বস্ব না । কাজ আছে [ পান ]

গোবিন্দ । আচ্ছা যা হোক—পৃথিবী শুদ্ধ লোকেব এক দিনেই  
সব কাজ ! তবলাটা রয়েছে একটা গান ধর না হয় ।

গদা । না না দেরি হয়ে যাবে [ পান ]

গোবিন্দ । আরে বস না ।

পীতাম্বর । না না আর না । এখন উঠি ।

গদা । বাড়ীতে উত্তম মধ্যমের ভয় আছে ত ।

[ উত্থান ]

গোবিন্দ । সকলেরই ঐ দশা ?

গদা । আবে হাড় জ্বালাতন কবেছে । একটু যেতে দেবি হলেই  
কেঁদে কেটে একটা হাঙ্গান বাপায় ।

গোবিন্দ । তাব বাপের বাড়ী পাঠিয়ে দিতে পার না ।

পীতাম্বর । আবে তা'হলে কি আব ঘন সংসার চলে ।

গদা । আন স্ত্রীকে তাব বাপের বাড়ীতেই রাখব ত বিয়ে না  
কল্লৈচ চলত ।

গোবিন্দ । তা একটু গবে যেও'খনি । একটু বসো না ।

পীতাম্বর । না না আমার বাড়ীতে বাঁধুনী ব্রাহ্মণী পালিয়েছে ।  
স্ত্রীরও অসুখ—শয্যাগত । দেখি এ পাড়ায় হবের মাকে যদি  
পাই । [ উত্থান ]

গদা । আমারও কি পালিয়েছে । বেহাঠ এয়েছে ।—তাই পাঠাব  
মাংস আস্তে বাচ্ছি—[ উত্থান ]

গোবিন্দ । পাঠার মাংসেব সের কত কবে ?

গদা । আট আনা কবে' ! আমবা যাই ।

[ উভয়ের প্রস্থান ]

গোবিন্দ । সব শালাই সমান । দেখি খাবাবেব দেবি কত । এই  
রামা—ফের ঘুমিয়েছে নিশ্চয় । জ্বালালে । ওরে ষণ্ডামার্ক, চোর,  
বজ্জাত, হারামজাদা ।

[ রামকান্তের প্রবেশ ]

গোবিন্দ । ফের ঘুমোচ্ছিলি ?

রাম । ঘুমোব কেন ! আয়েস কচ্ছিলাম ।

গোবিন্দ । [ সাস্চর্য্যে ] আয়েস কচ্ছিলি । মুনিবের সম্মুখে বসতে লজ্জা কবে না ! আব তুই কি দিবারাত্রই আয়েস করি ? এদিকে আমি ডেকে ডেকে সারা !

রাম । অমন ডাক্তি নেই । বক্ত মাংসের ধড় ত । সকাল থেকে খ্যাটে খ্যাটে—

গোবিন্দ । বটে ! সকাল থেকে কি খেটেছিস্ বন্ ।

রাম । এট তামাক ত সাজছিই সাজছিই । তাব পন বাজার কবা ।

গোবিন্দ । তোর আব কাল থেকে বাজাব কর্তে হবে না ।

রাম । মুই কর না ত কে করি ?

গোবিন্দ । কেন কি করি ।

রাম । কি বাজাব করি ! তবে মোবে আর মাইনে দিয়ে বাবা কেন ? মুই বৈসে বৈসে মুনিবের মাইনে খাতি পারি না । একটা ত ধরম আছে ।

গোবিন্দ । বেটা এখনি বলে ‘খেটে খেটে সাবা’ আবার বলে ‘বসে’ ‘বসে’ মাইনে খেতে পারি না । তোব ‘বসে’ ‘বসে’ খেতে হবে না । তুই তামাক সাজবি ।

রাম । আব বাজার করি কি ! তা’হলে কিই বাড়ীর গিনী হল ; আর মুই হলাম চাকর ।

গোবিন্দ । তুই চাকর নয় ত কি মুনিব ? আর কিই বাড়ীর গিনী হল কিসে ? গিনীতে বসি বাজার করে ?—যা দেখে আর খাবারে

দেরি কত—হাঁ, আর আজ কি যে বাজার কল্লি তার ত হিসেবটাও দিলিনে।

রাম। আপনি যে খাচ্ছিলে।

গোবিন্দ। তোর জন্তে কি আমি খাবও না? আর সারাদিনই কি বসে' বসে' খাচ্ছি?

রাম। তা বৈ কি। আর তার পরে যে সব ছুপরটা বিকেলটা ঘুম দিলে! আর মুই ঘুমোলেই ব্যাত দোষ।

গোবিন্দ। বেটা, তুই আর আমি সমান?—কি কি বাজার কল্লি বল!

রাম। [টাকা হাতে তিসাব বাহির করিয়া] এই আলু ছ' সের ৮:৫,

গোবিন্দ। কাল যে ছ' সের এনিছিলি। দুরিয়ে গেল?

রাম। তা ফরোবে না? আপনি ত কচি খোকাটি নও যে দিন এক সের আলুতে হবে!

গোবিন্দ। কচি খোকায় ব'কি দিন এক সের কবে' আলু খায়—  
আচ্ছা, তার পর?

রাম। ঘি এক সের—২:৫

রুইমাছ এক সের—১:৬

বেগুন ৪টে—১:১০

ময়দা এক সের—১:১০

গোবিন্দ। পাঁঠার মাংস আনিস্ নি?

রাম। আন্ব না কেন! পাঁঠার মাংস ছ' সের ২-

গোবিন্দ। এক টাকা করে' পাঁঠার সের! কাল যে পনের আনা করে' এনিছিলি—



রাম। বাজারের দর কবে বাড়ে, কবে কমে, তার কিছু ঠিকেনা  
নিশেনা আছে ?

গোবিন্দ। দর যে কখন কমল তা ত দেখলাম না—বাড়ছেই।

রাম। আপনার খাওয়াও বে বাড়ছেই।

গোবিন্দ। খাওয়া বাড়ছে বলে' দর বাড়বে? বেটা আমাকে  
গাধা বোঝাচ্ছে। এখনি গদা বলে' গেল, পাঁঠার মাংসের সের ৥০  
করে' ! কাল থেকে আমি নিজে বাজারে যাব। বেটা আমাকে কেবল  
ঠকাচ্ছি বোধ হচ্ছে। যা বেটা, বেরো বাড়ী থেকে! [ তাড়া করায়  
রাম উর্দ্ধ্বাসে পলায়ন করিল ] বেটা আমায় পেয়ে বসেছে।

[ ধোপানীর প্রবেশ ]

ধোপানী। কাপড়গুলো গুণে নেবা না? কতক্ষণ বসে' আছি।

গোবিন্দ। আচ্ছা আজ বেথে যা; কাল সকালে আসি।

[ ধোপানীর প্রস্থান ]

গোবিন্দ। বাড়ীর হ্যান্ডামও ত কম নয়। আগে বোনুটা ছিল,  
সব দেখত শুন্ত। তা সেও চলে' গেল। এখন আগের ডবল খরচ  
ইচ্ছে বোধ হয়। তবু তাঁড়ার নিজে রাধি!

[ রসুই ব্রাহ্মণের প্রবেশ ]

রসুই ব্রাহ্মণ। বাবু যে তেল দিয়েছিলেন ফুরিয়ে গিয়েছে। আর  
একটু তেল বের করে' দিতে হবে।

গোবিন্দ। এই চাবি নেও [ চাবি প্রদান ] আবার চাবি এখনি  
দিয়ে যেও। [ রসুই ব্রাহ্মণের প্রস্থান ] নাঃ এরা জাগাতন কল্লৈ।

স্বীকে নৈলে আর কোন মতেই চলে না। বিরহেব প্রকৃত মর্মে এখন  
বুঝছি।

[ গীত ]

( নেহাগ—ঝাঁপতাল )

বিরহ জিনিসটা কি,  
নাইরে নাইরে আর বুলিতে থাকি।  
যখন দাঁড়ায় আসি' রানকাণ্ড ভূতা  
বাতার খরচ ফল করি দীর্ঘ নিতা,  
রজক আসিয়ে বলে কাপড় গুণিমা লও—  
তখন কাতর ভাবে তোমারে ডাক।  
যখন ঠাকুর বলে আরও তেল চাই—  
যদিও রন্ধনেব তারোম্য তাহেও বড় হয় না,  
তু নেব করিয়া আ' রোজই যুরায়,  
তখন, বিরহবেদনা আর নয় না নয় না,  
বুলিরে তখন তব কি গুণে বকুনি সহি,  
তুলিয়ে পুহের ছালা বিরহ-অনলে দহি,  
ভাবরে তখন তোমায আসিতে চিঠি লিখি,  
পরে না হয় হবে বা এ কপালে থাকে।

নাঃ স্বীকে আশে লোক পাঠাতে হচ্ছে। কিব তা'লে যে সে এসে  
পেয়ে বম্বে। কি করি।

[ বামকায়েব প্রবেশ ]

গোবিন্দ। বেটা কি চাস্ ?

বাম। একখানা চিঠি [ চিঠি প্রদান ]

গোবিন্দ। ডাকের চিঠি দেখছি। এতক্ষণ দিস নি ?

রাম। বেভুল হয়ে গিইছিল।

গোবিন্দ। খেতে ত বেভুল হয় না। বেটাকে দিন কতক কেবল বেত দিতে হয়। [বামকান্তের প্রশ্ন] এ চিঠিখানার খাম খুব বড় দেখছি। আবার ভারি ভারি ঠেকছে। কে লেখে খুলে' দৌখ। ইন্দুভূষণ বন্দ্যোপাধ্যায়। ও। ইন্দু। ভাষা কি লেখেন দেখা যাক, এঃ কাগজে মোড়া আবার একখানা ছবি। কাব? স্বাব নাকি?—বুঝি এটা আমার ফটোর ছবি।—দেখি। ঈঃ! এ বে নেমা লোক।—ছোটো স্নালোক আর ছোটো পুরুষ। ইনি ত আমার গৃহিণী। মৃত্যুযনি ববং কাহিলই করছে। যাক, বাঁচা গিবেত।—এ ত ইন্দু। আর এ মেয়েটি কে? আর এ ছেলেটের বা কে? এঃ এব একবাবে ইংবিজ্ঞা পোষাক যো।—হাতে ছড়ি, মাথায় বিলিতি টুপি। চিঠি খানা প'ড দেখি। [নারবে পাঠ] এয়া! বখাটা ত না। নয়। “ইনি আমার স্বাব ও আনা। স্বাব পুবাওন বকু—ন. শ্রীশবৎকুমার হালদার।” দৌখ শবৎকুমার হামদার। [ছলইয়া দে'খিয়া] এ আবার আমার স্বাব চেয়াবেব ঠিক পিছনে—এক হাত আবার তাব ঘাডেব ওপর।—বখাটা ত ভারি নয়। নাঃ, তাকে আ.স্ব এখন লোক পাঠাতে হুছে। বন্ধুদন্দ পেয়ে দাও। এত বন্ধুই ভালো নয়। একেবাবে আমার স্বাব ঘাডে হাত। এখন ঘরেও বিরহ কবে? উঃ!—আস্তু হুছে। কিছ একটু কৌশল করে' আশে হবে যাতে আসল কাবণ টেব না পায়। দৌখ বামাটার সঙ্গে পরামণ করে'। ওকেই পাঠাতে হবে। বেটা চোব বটে, কিন্তু ওর পেটে পেটে বুদ্ধি। [কাণিয়া] এই বাম, ওহে বামকান্ত, ও পিতৃভৃত্য বামকান্ত—ও আমার প্রাণাধিক বামকান্ত প্রসাদ।

[ বামকান্টের প্রবেশ ]

বাম। [ মোলায়েম ভাবে ] এজ্ঞে । [ স্বগত ] বাবুর মেজাজ যে ভাবি নরম হয়ে গেল !

গোবিন্দ। দেখ বাম, একটা কাজ কর্ত্তে পাব বাবা ।

বাম। এজ্ঞে আপনি বল্লৈ আব পাক্স না ?

গোবিন্দ। কাজটি অতি সোজা। এমন কি সন্দেহ থাকার চেয়েও সোজা।

বাম। [ মাথা চুমকাহতে চুমকাহতে ] তবে নিজের ভাব খুব সোজা।

গোবিন্দ। হ্যাঁ। ওবোক না একটু বুদ্ধি দাবাব। তা তোমার বুদ্ধি শূন্য ত বেশ আছে দেখতে পাই।

বাম। এজ্ঞে। বুদ্ধিব জোবেই ক'ব' থ'ল কস্তা ।

গোবিন্দ। বুদ্ধিব জোবেই কবে খাছ নাকি ? তা বেশ। যাবে বৈক ! আব শোন — তোমাকে দিয়ে দে খাজতি বেনন হবে, আব ক উকে দিয়ে তেনন হবে না।

বাম। এজ্ঞে না ।

গোবিন্দ। তুমি হনে বাড়ার পু'বান চাকর। তোমার ক'বছর চাকরি হোল ?

বাম। এজ্ঞে পাঁচ বছর চি কুড়ি বছর হবে।

গোবিন্দ। ছব্ -তাব প্রায় -সাত বছর চাকরি হোল। না ?

বাম। এজ্ঞে। কয়ে' নাও।

গোবিন্দ। কয়ে' নেবো ? তোমার বয়স কত হোল বাবা ?

বাম। অত কি কঠা খেয়াল থাকে ? বোধ করি এক কুড়ি হবে।

গোবিন্দ । হাঃ হাঃ হাঃ ! তোর বয়স চল্লিশ বছরের এক কাণা-  
কড়িও কম নয় ।

রাম । এজ্ঞে তা ঠিক । আপনি কত বয়ে ?

গোবিন্দ । এই ৩৪ কি ৩৫ বছর হবে, না ?

রাম । সে ক'গুণা ?

গোবিন্দ । সে খোঁজে তোর দরকার কি—তুই ত আর বিয়ে কর্তে  
যাচ্ছিস্ নে—যাচ্ছিস্ নাকি ? হাঃ হাঃ হাঃ—তা বিয়ের সাধ যায়  
মলে' ! তা শোন, যদি তুই আমার এই কাজটা কর্তে পারিস ত তোর  
বিয়ের খর্চা দিয়ে দেব । দেখ পার্কি ?

রাম । [ সজোরে ] হাঁ খুব পার্কি—

গোবিন্দ । শোন তবে । তোর মাঠাকরুণ অর্থাৎ আমার গিন্নী—  
বুঝলি ?

রাম । এজ্ঞে ।

গোবিন্দ । রাগ কবে' তার বাপের বাড়ী চলে' গিয়েছে  
বুঝলি ?

রাম । এজ্ঞে, এর আর শক্তটা কন্নে ! কি বয়ে বাবু ?

গোবিন্দ । বুঝতে পার্লিনে ! তোর মাঠাকরুণ এখন ত তার  
বাপের বাড়ীতে ?

রাম । এজ্ঞে ।

গোবিন্দ । তাকে তোর গিয়ে নিয়ে আসতে হবে ।

রাম । [ স্বগত ] তাহ'লেই ত মোর মুক্তি । [ প্রকাশে ] তিনি  
যদি না আসে ?

গোবিন্দ । তা' হলে ছলে বলে কৌশলে নিয়ে আসবি ।

রাম । [ ভাবিয়া ] রাস্তা দিয়ে হেঁছড়াতে হেঁছড়াতে নিয়ে আসব নাকি ?

গোবিন্দ । আবে না । বেটা বুঝেও বুঝবে না । তাকে কোন রকমে ভজিয়ে নিয়ে আসবি । জান্নে দিবিনে যে আমি তাকে আস্তে পাঠাইছি । বুঝি ? এমন একটা কিছু বানিয়ে বলবি যাতে সে না এসে আর থাকতে না পারে ।

রাম । [ ভাবিয়া ] তবে বল যে বাবু কলেরায় মর মর !

গোবিন্দ । উছ । সে চালাকি বুঝতে পারবে । ‘মর মর’ বলে হবে না ।

রাম । তবে বল, বাবু মবেছে ।

গোবিন্দ । দূর বেটা । যা, তোকে দিয়ে হবে না । যদি এটা কর্তে পারিস বাবা, তা লে তোকে পঞ্চাশ টাকা বকশিশ দিতাম ।

রাম । এঁা —তবে বল যে এই বশেখ মাসে বাবু বিয়ে—

গোবিন্দ । হ্যা হ্যা, ঠিক ঠিক ! তোকে দিয়েই হবে । বেশ ! বেটার পেটে পেটে বুদ্ধি ।

রাম । এজ্ঞে হ্যা । কেবল সেটা তলায় পড়ে’ থাকে । একটু ঘাঁটিয়ে নিলেই হয় ।

গোবিন্দ । ঘাঁটিয়ে নিলেই হয় বুঝি ! তবে তুই সকালে যাস । বেশ গুছিয়ে বলবি । কথা টথা আগে থেকে বানিয়ে নিয়ে যাবি বেশ করে’ ।

রাম । এজ্ঞে ।—বকশিশের কথা মনে থাকে যেন কর্তা ।

গোবিন্দ । তা থাকবে ।

[ উভয়ে নিষ্ক্রান্ত ]

## দ্বিতীয় দৃশ্য

[ স্থান,-- হাঁসখালিতে চূর্ণি নদীর ধারে খেয়াঘাটের দোকান ।

কাল—অপরাহ্ন । রামকান্ত, নিতাই ও অর্জুন

নামা দুই জন হাঁসখালিবাসী উপবিষ্ট

ও তামাকুসেবনে ব্যস্ত । ]

রাম । বাল নেতাই ! তোদের গায়ে যে একটা জ্বর মেয়েমানুষ  
আছে, তাতে চিনিস ভাই ?

নিতাই । কে সে ?

রাম । মাঝে মুইও ত তাই জিজ্ঞাসা কচ্ছিলাম । সেই যে ঐ  
ঘোষপুকুরের কনাবাঘ তার বাড়ী । বয়স বছর ১৫:৬ হবে । নামটা  
শুনিছি গোলাপী । যেমন নাম তেমনি জ্বর দেখতি ।

অর্জুন । বুঝিছ বুঝিছ । ও সেই মাইতির মেয়ে ।

রাম । কোন্ মাইতি ?

অর্জুন । কে জানে কোন্ মাইতি । তাব ত এখানে ঘর নয় ।  
কেন, সে তোব কি করেছে ?

নিতাই । তারে দেখাল কেমনে ?

রাম । [ গীত ।

ঐ গাচ্ছিল সে নোষেদের সেই ডোবার ধার দিয়ে,

ঐ আঁবগাচগুলোর তলায় তলায় কাকে কলসী নিয়ে ।

সে এমনি করে', চেয়ে গল শুধু মোরঠ পানে,

আর আঁপির ঠারে মেরে গেল—ঠিক এ—এখানে ॥

রাম । তার রং যে বড় ডই ফস'। তারে পাব হয় না সরসা  
নিতাই ও অর্জুন । তার রং যে বড় ডই ফস'। তারে পারি  
হয় না সরসা

} ' একত্রে '

রাম । তার জন্মে কচ্ছে রে মোর প্রাণ আনচান ।  
নিতাই ও অর্জুন । তার জন্মে ককক যতই প্রাণ আনচান ॥

[ একত্রে ]

রাম । ও পরণে তার ডুরে শাড়ি মিহি শান্তিপুরে ,  
- ই শান্তিপুরে ডুরে রে ভাই, শান্তিপুরে ডুরে ।  
তার চক্ষু দুটি দাগর দাগর যেন পটল চেরা ,  
আর গড়নটি যে —কি বলব ভাই—সকলকার সেরা ॥  
তার রং যে বড় ডই ফসাঁ [ ইত্যাদি ] ।  
ই হাতে রে তার ঢাকাই শাঁখা পায়ে বাঁকা মল ,  
আর মুখখানি যে একেবারে কচ্ছে চল চল ।  
তার নাকটি যেন বাঁশপান কপালটি একরকমি ,  
-এর একটা কথাও মিথো নয় রে—আগা গোড়া সতি  
তার রং যে বড় ডই ফসাঁ [ ইত্যাদি ] ।  
তার এলো চুলের কিষে বাহুর —আর বলবো কিরে  
—তার ঠেঁটর নীচে পড়েছিল —মিথো বলিনি রে ,  
মুই ।মথো কবা'র নাক নইরে —ক'রিনিও ভুল ,  
ও তার ঠেঁটর নীচে চুল রে ভাই ঠেঁটর নীচে চুল ।  
তার রং যে বড় ডই ফসাঁ [ ইত্যাদি ] ।  
তার মুখের ঠাঁ যে ভারি ছাট গোল শাল যে তার চ'  
আর কি বলব মুই ওরে নেভাই । কিবে যে তার রং ,  
স এম'নি কো'র চেয়ে গেল করে মন চুরি,  
আর ঠিক এই জায়গায় মেরে গেল নয়ানের চুরি ।  
তার রং যে বড় ডই ফসাঁ [ ইত্যাদি ] ।

নিতাই । তা তাব সাথ আব পী'বতি করে' কি হবে ।

রাম । কেন ওরা ত কৈবন্ত ।

অর্জুন । তোর তারে বিয়া কর্তি সাব গিয়েছে না কি ? তা ত হবার  
যো নেই ।



রাম । কেন ওরা কৈবর্ত না ?

অর্জুন । কৈবর্ত না কি আর বেরাক্ষণ ? ও কৈবর্ত, ওর বাপ কৈবর্ত, আর ওর ঠাকুর্দা—সেও বুঝি কৈবর্ত !

রাম । তবে ওর সাধ মোর বিয়া হবে না কেন ?

অর্জুন । আরে ওর যে একটা সোয়ামী আছে । তুই কি ভাবিস্ যে ওর এতদিন বিয়া হয় নি !

রাম । বটে বটে । সে কথাটা ত এতদিন খেয়াল করি নি । ওর যে সোয়ামী আছে !

নিতাই । কোথায় ওর সোয়ামী ? সে কি আর আছে ? সে নিঃশুশ মরেছে । আজ আট বছর সে ফেরার । বেঁচে থাকলে সে কি আর এতটা দিন আস্ত না ?

রাম । [ সাগ্রহে ] বটে ! তবে ত বিয়া হয় ।

অর্জুন । আরে বিধবার কি আর বিয়া হয় ?

নিতাই । তা হবে না কেন ? ঐ সে দিন কেষ্টনগরে বৈকুণ্ঠবাবুর—

অর্জুন । তার কি আর জাত আছে ? সে নতুন আইনে বিয়ে ।

রাম । তা জাত না রৈল ত মোর এইটি । মুই তারে লয়ে গাশত্যাগি হতে পারি ।

অর্জুন । বটে ! এত দূর ?

রাম । আরে তার এক চাহনির দাম হাজার টাকা ।

অর্জুন । তুই ত তারে বিয়ে করি বলে' ক্যাপ্লি,—তবে সে বিয়ে কল্পে ত ।

রাম । তাও ত বটে ! সেটা ত মুই এতদিনটা ভাবিনি ।

[ ভাবিয়া ]—তা তাকে রাজি করি ।

অর্জুন । তা কর্কি করিস্ । কিন্তু তার স্বভাব চরিত্তিরটা ভাল নয় বলে' রাখ্ছি ।

রাম । তা মোর স্বভাব চরিত্তিরটাই বা কি এমন ধর্মপুত্রের বৃথিষ্টিরের মত ।

নিতাই । তা সে ত আর এ গাঁয়ে নেই ।

রাম । [ হতাশভাবে ] এঁা—তবে সে কোতায় ?

নিতাই । সে কোতায় চলে' গিয়েছে ।

রাম । তবে! [ পিছন দিকে দুই হাত দিয়া মাতুর ধরিয়৷ চিৎ হইয়া হাঁ করিয়া রহিল । ]

অর্জুন । সে শুনি ছগলি গিয়েছে চাকরি কর্তি !

রাম । [ সোৎসাহে উঠিয়া ] বলিস্ কি ! মুইও ত সেথা বাচ্ছিরে ।  
এরেই ত বলে কপাল ! [ পরিভ্রমণ ! ]

অর্জুন । তারে কি আর সে সহরের মধ্যে চুঁড়ে নিতে পার্কি ?

রাম । তা দেখি কি হয় । ভাগ্গিস আজ তোদের দেখা পাই-  
ছিলাম ভাই ।

নিতাই । মুই উঠি ।

অর্জুন । মুইও যাই । তবে রাম ভাই তুমি বসি রও, মোরা উঠি ।

রাম । মুইও যাই ।

[ নিষ্কান্ত ]

## তৃতীয় দৃশ্য

[ স্থান—ভাগীরথীর একটি বাঁধান ঘাট । কাল—বিকাল )

গোলাপীর প্রবেশ ।

গোলাপী । এই ঘাটে একটু বসে' নেওয়া থাক্ । বাপ্ চন্দন-  
নগর কি এখানে ? [ ঘাটে উপবেশন ] উঃ পা ধরে' গিয়েছে । দিদি-  
মণি বলে থাক্, এক দিন তোমাকে সঙ্গ কর' নিয়ে যাব' খনি । তা  
আমার যেমন গেরো ! বল্লাম নিজেই গিয়ে দেখে আসি । খাসা গাড়ী  
করে' যাওয়া যেত ।—বাঃ ! ঘাটে কেউ নেই দেখছি । বেশ হাওয়া  
হচ্ছে । [ গীত ]

( বেহাগ—আডধেমটা )

সে কেন দেখা দিল রে	না দেখা ছিল রে ভালো,
বিজলির মত এসে সে	কোথা কোন্ মেঘে লুকালো ।
দেখতে না দেখতে সে	কোথা যে গেলরে ভেসে ;-
যেন কোন্ মায়া সরসী	ছুঁতে না ছুঁতে শুকালো ।
যেন কোন্ মোহন বাঁশিরে	স্বমধুর জ্যোছনা মিশি--
বাজিতে না বাজিতে সে	জ্যোছনায় গেলরে মিশি ,
যেন বা স্বপনেতে কে	আমারে গেলগো ডেকে,
প্রভাত আলোরই সনে	মিশালো যেন সে আলো ।

[ রামকান্তের প্রবেশ ]

রাম । [ স্বগত ] হাঁ সেই ত বাটে । মোর কি কপালের জোর !  
বাঃ ! কি চেহারা, যেন একেবারে কেটনগরের বাদামে গুল্লি ! আর  
গলাই বা কি—যেন শান্তিপুরের খয়ে মোয়া । কি করে' এর সঙ্গে  
আলাপ শুরু করি ? [ ভাবিয়া ] হাঁ হয়েছে । [ প্রকাশ্যে ] হেঁ গা !  
তোমাদের এ সহরে গরু আছে ?

গোলাপী । | তাহার আপাদমস্তক নিরীক্ষণ করিল | হাঁ আছে ।  
কেন ?

রাম । এঁা—এঁা—তাদের কটা করে' শিং ?

গোলাপী । আরে মলো !—গরুর আবার কটা করে' শিং থাকে !

রাম । [ সরিয়া আসিয়া ] এঁা—তাই জিজ্ঞেসা কচ্ছিলাম ।  
[ নিকটে উপবেশন ]

গোলাপী । তা কচ্ছিলে ত কচ্ছিলে । অত কাছে ঘেঁষে বস কেন ?

রাম । এঁা [ ভাবিয়া ] আর বল্ছিলাম তোমার গলাটি ত খাসা  
[ আরও সরিয়া আসিল ]

গোলাপী । খাসা ত খাসা । তা তোর তাতে কি বিটকেলে  
মিন্‌সে ?

রাম । না তাই বল্ছিলাম । মুঠ ওস্তাদ মানুষ কি না ।  
সওদাগবেই বতন চেনে ।

গোলাপী । আরে । এও ত বড মন্দ নয় ।—ওস্তাদ মানুষ হস্ না  
হস্ তাতে আমার কি ?—অত ঘেঁসে বসলে ভালো হবে না বলছি ।

রাম । অহা বাগো কেন ভাই ? তোমার সঙ্গে ত এই নতুন  
দেখা নয় ।

গোলাপী । তোব সঙ্গে আবার আঁমাব কবে দেখা হোল ?—  
আরে মোলো !

রাম । কেন সেই হাঁসখালিতে ঘোষেদের পুকুরের ধারে ।

গোলাপী । [ স্বগত ] এ আঁমারে চেনে দেখ্‌ছি [ প্রকাশে ] তা  
হইছিল ত—হইছিল । তা এথেনে কি ?

রাম । এথেনে মুই আজ আইছি—যাব নীলরতন চাটুখোর বাড়ী

—পথে তোমায় জ্বাখলাম, পুরোণ আলাপী নোক—তাই ভাবলাম দুটো কথা কয়ে যাই।

গোলাপী। [ স্বগত ] এ যে দিদিমণির বাড়ীই যাচ্ছে [ প্রকাশে ] সেখানে কেন যাচ্ছে ?

রাম। মোদের মাঠাকরুণকে আস্তি। বাবু পেঠিয়েছে !

গোলাপী। তোর বাবুই বা কে আর তোর মাঠাকরুণই বা কে ?

রাম। বাবু কে ? তা জানো না ! কেষ্টনগরের গোবিন্দ মুখুযো ! তাঁরে না জানে এমন মানুষ কটা ? মোর মাঠাকরুণ তাঁরই ইস্তিরি—নীলতরন বাবুর বড় মেয়ে।

গোলাপী। [ স্বগত ] তবে ত সত্যিই এ বড় দিদিমণির স্বপ্ন-বাড়ীর চাকর [ ভাবিয়া ] না, একে চটান হবে না দেখছি।

রাম। ভাবছ কি—ঠাকরুণ—একটা গান শুনবা !

গোলাপী। শুনি।

রাম। [ গীত ] ( পূর্বী—আড়া । )

ছিল একটি খেয়াল-

তার বাপ দিচ্ছিল দেয়াল-

আরে সে নিজে বসে বেড়ে, টাকা কড়ির চিন্তে ছেড়ে-

গাচ্ছিল [ উঁচু দিকে মুখ কোরে ]—এই পূর্বীর খেয়াল।

[ তান ] ক্যা হ্যা ক্যা হ্যা, ক্যা হ্যা, হ্যা, ক্যা হ্যা রে ক্যা ক্যা ক্যা।

গোলাপী। [ কাণে হাত দিয়া ] বাপরে মোলাম ! তোমার আর গাইতে হবে না।

রাম। দেখলে ?

গোলাপী। শুন্লাম বটে। বেশ গান।

রাম । তবুও সেটা গাই নি ।

গোলাপী । সে আবার কোন্টা ?

রাম । তবে শোন । [ গীত ধরিল ] ।

তোরে না তেরে রে মোর- আন্দাজ, হয় দিনে পড়ে-  
বার পঁচিশ চাঁদপারা ঐ মুখখানি তোর মনে পড়ে ।

যেমন মুঠি উঠি তোরে'-

পূবে চাই পচ্চিমে চাই, কোথায় ছাপিনে তোরে

তেখন শ্রাণ বেঁদে উঠে, ভেট ভেট কোরে

বলতে কি—তেখন রে মোর জানটা আর থাকেন' ধড়ে ।

যেখন গো বেলা ছকুর-

নেড়ুল হয়ে দেখি যেন তোরে আর সেই পানা পুকুর .

পরে ছাপি হয়ে শুধু কলে কুকুর,

তেখন মোর দুবরে দুবরে পরাণ যে কেমন করে ।

বিকলে নেশার ঝাঁকে,—

মনে হয় আঁবগাছতলায় যেন পরাণ জেখ'ছি তোকে

পরে আর ছাপি তি পাইনে সাদা চোখে

তেখন মোর গলার কাছটা কি যেন রে এঁটা ধরে

রাত্রিরে বুকের ঘোরে

স্বপ্নে মুঠি ছাপি তোরে তার পরে বুম ভেঙ্গে, গুরে—

টসে ফের পড়ি মেঝেয় ধড়াস কোরে,

কলাগাছ পড়ে যেমন চৈড়ির কি আশ্বিনের ঝড়ে ।

বটে তুই থাকিস দরে,—

ধাকনা তুই পাবনা জেলায় আর মুঠি থাকি হাজিপুরে,

তবু জান উজান্ চলে কিরে ঘুরে,—

যেখাই র'স তোরই জন্তে মোরি মাথার টনক নড়ে ।

রাম । কেমন !

গোলাপী । বেশ !—তোমার এত পীরিত কার সঙ্গে হোল ?

রাম । তবে বল্বে সতি কখাটা ?—তোর সাথ গোলাপী, তোর সাথ । যে দিন মুই তোরে, সেই ঠাঁসখালির ডোবার ধারে গ্যাখিছিলাম সে দিন থেকে [ করুণস্বরে ] কি বল্বে গোলাপী, মুই মরে' বেঁচে আছি তোব যে কত তল্লাস করিছি, তার আব কি কইব মুই [ চক্ষু মুছিল ]

গোলাপী । তা আমার সঙ্গে পীরিত করে' কি হবে ? আমার সে সোয়ামী আছে ।

রাম । মোর কাছে কেন আব ঢাকিস্ গোলাপী ? তোর স্বামী কে দশ বছর ফেরার । সে কি আর আছে ? সে মরেছে ।

গোলাপী । তা' হলেও বিধবার কি বিয়ে হয় ?

রাম । তা হয় আজকাল নতুন আঠনে মুই শুনিছি । মোদে কেষ্টনগরে তা হয়েছে—কি বলে—বিদ্যেসাগরের মতে ।

গোলাপী । তা' হলে বে জাতে ঠেলা কক্কে লোকে । নহলে তোমানে বিয়ে কর্তে আর কি ?

রাম । [ আবার করুণ স্বরে ] তা করুক, তোবে নিয়ে আঁি দ্যশভাগী হব গোলাপী ।

গোলাপী । [ সস্মিতমুখে ] কেন তোমার এত দিনে বিয়ে হইনি ?

রাম । বিয়ে কোথায় ? একবার কোন্ ছেলেবেলায় হইছিল—ভুলে গিইছি ! হুঁঃ সে আবার বিয়ে !

গোলাপী । কেন ? সে বৌ কোথা ?

রাম । আরে রাম ! সে আবার বৌ ! সে মরেছে ।

গোলাপী । কিসে মলো ?

বাম । কিসে আবার । অপঘাত ।

গোলাপী । কি ? বজ্রাঘাত ?

বাম । বজ্রাঘাত নয় চপেটাঘাত — [ একটু হাসিল , ভাবিল ভাবি রসিকতা কবিয়াছে ]

গোলাপী । সে কি রকম ?

বাম । এ—তা তোব কাছে আর গঠ মিথ্যা কটব কেন ? তুই আর মুই এখন ত এক জান । কেবল খড আলাদা । তবে যদি তুই কাউকে না বলিস—

গোলাপী । [ সর্কো তুলে ] না কাউকে বলব না —

বাম । তবে শোন । আমার বিয়ে হয় স্ত্রীমুটা পবগণায় তিক্খিঙে গাঁয়ে — কি ?

গোলাপী । না একটা পিঁপড় । তাব পব ?

বাম । তার পবে এক দিন কি কথায় কথায় মুঠ তাব বগে এক চড দেলাম । যে দেওয়া, আর সেই সে ঘুরে পডল । আর যে পডা, সেই মবা । মোব শালা বলে যে, মোব স্বশুর পুলিশ ডাকতে গিয়েছে । এই শ্বনেহ মুই চম্পট । কি—চমকালি যে ?

গোলাপী । না না । তোমাব স্বশ্ববেব নাম কি ?

বাম । গোকুল মাইতি । শালাব নাম নীলমণি ।

গোলাপী । তোমাব নাম ?

বাম । মোর আসল নাম বেচাবাম । কিন্তু সেই দিন ত'তে মুঠ নাম ভাঁড়িয়ে হলাম বামকাস্ত ।

গোলাপী । এ কথা সত্যি ?



রাম । তোঁর গা ছুঁয়ে বল্ছি । সে বৌ মরেছে । মুই পুলিশের ভয়ে ফেঁরার হয়ে কেঁটনগরে গোবিন্দ বাবুর বাড়ী নকরি নেলাম । নৈলে মোঁর বাপ বড়মাইনষ । নকরি না কল্লেও চলে । কি উঠিস্ যে গোলাপী ! মোঁরে পুলিশ ধরিয়ে দিবি না কি ? না গোলাপী, মুই তোঁর পায়ে ধরি, ধরিয়ে দিস্নে । [ এই বলিয়া সে গোলাপীর পায়ে ধরিতে গিয়া ভুলিয়া তাহার গলা জড়াইয়া ধরিল ] ।

গোলাপী । না না ছাড় ছাড় । ধরিয়ে দেব কেন ? [ স্বগত ] তবে ত দেখ্ছি এই ত আমার ফেঁরার স্বামী । [ প্রকাশ্যে ] তুমি যে আমাকে বিয়ে কৰ্ত্তে চাচ্ছ, তা আমি কার মেয়ে, আমার স্বভাব চরিত্র কেমন, এ সব না জেনে এক অজানা অচেনা মেয়ে মাগুষ্যকে বিয়ে কৰ্কা ?

রাম । সত্যি কথাটা কি, মুই শুনেছি যে তোঁর স্বভাব চরিত্তিরটা ভালো নয় । তা মোঁরই বা সেটা এমন কি ভালো ? তোঁরে মুই এমনি ভালোবাসি যো ও সব ভাব্বার সময় নেই । তোঁরে মুই সাঁদি না কল্লে মোঁর জ্ঞান যাবে ।

গোলাপী । তুমি এপেনে মাঠারুণকে নিতে এসেছে । কবে ফিরে যাবা ?

রাম । সত্যি কথাটা কি ? মাঠারুণ বাড়ী থেকে রাগ করে' চলি আইছে । বাবু ত তাঁর আসার পরে আন্দাজ তিন মাস খুব নাতি' খাতি' নাগ্লে । তাঁর পর একদিন মোঁরে কয় 'রামকান্ত !' মুই কই 'এজ্ঞে' । বাবু বলে 'রাম তোঁমার একটা কাম কৰ্ত্তি হবে বাপু', মুই কই 'কি কাম ?' বাবু কয় 'এই ইন্তিরিকে তাঁর বাপের বাড়ী থেকে ফিকির করে' নিয়ে আস্তি হবে । মুই ত তাতে নারাজ—সে এক

দজাল মেয়ে । মুই তো ঘাড় নেড়ে কই 'তাই ত—সে বড় শক্ত কাম, মুই কর্তি পারব না ।' তার পর কি না বাবু কয় 'যদি বাপু এটি কর্তি পার ত তোমারে পঞ্চাশ টাকা বক্শিশ দেব ।' তেখন মুই কই 'বাবু—হেঁ হেঁ রামকান্তর অসাধি কি—এ ত সোজা কথা ।' তার পরে মুই এমন এক ফিকির বাবুকে বল্লাম যো বাবু কয়, 'বেশ বেশ রামকান্ত বেঁ থাক বাপু ।'

গোলাপী । কি ফিকির ?

রাম । তা তোরে আর কইতি কি—মুই বল্লাম যে মাঠাকরণকে বল্ব যে বাবু আর একটা বিয়া কর্তি যাচ্ছে ! তা'লে কি আর মাঠাকরণ ছদণ্ড নিচ্ছিত্তি হয়ে থাক্টি পার্বে ?

গোলাপী । তোমার খুব বুদ্ধি ত ।

রাম । হঁ হঁ—মুই এখনি সেথা যাইছি । কালই বেহানে মাঠাকরণকে বাবুর ওয়ানে নিয়ে গিয়ে বক্শিশ আদায় করে' তবে নিচ্ছিত্তি । বাবু নোক ভাল ! যো কথা একবার দেয় তার লড়চড় হবার যো নেই ।

গোলাপী । তবে ও ভালো । তবে কাল আমাকেও সঙ্গে নিয়ে চল ! সেখানে পিয়েই বিয়ে হবে' খুনি ।

রাম । তা আর কৈতে আছে ! আর মুই অনেক টাকা জমিইছি—

গোলাপী । মোর বিয়ের পর আব নকরি কর্তি হবে না ।

রাম । না ।

গোলাপী । বটে কত টাকা ?

রাম । তা মুই কইতি পারি না । এক মহাজনের কাছে রাখছি । সে মোর বড় দোস্ত ।

গোলাপী । বটে ! -তবে আর কি তুমি এখন যাও, আমিও যাই ।

কাল সকালে আমি কাপড় চোপড় নিয়ে নীলরতন বাবুর বাড়ীতে তৈরি থাকব।—নীলরতন বাবু বাসা বদলেছেন জানো ?

রাম। তুই তাঁদের চিনিস না কি ?

গোলাপী। চিনি বই কি ?

রাম। তবে ফিকিরটা বলে' দিস্নে যেন তাদের।

গোলাপী। আঃ রাম! তাও কি হয়। আমি হব তোমার স্ত্রী।

রাম। তা নীলরতন বাবু বাসা কোত' করেছেন ?

গোলাপী। ঐ নতুন বাজারে চৌরাস্তার সম্মুখে। লোককে জিজ্ঞাসা কলেই বলে' দেবে' খুনি—ঐ রাস্তা দিয়ে বরাবর পশ্চিমে চলে' যাও।

রাম। আচ্ছা তবে মুই যাই। মনে থাকে যেন গোলাপী।—[ পরে সাদরে গোলাপীর গলদেশ ধারণ করিয়া। তবে গোলাপী ?

গোলাপী। কি ?

রাম। একটা—

গোলাপী। ছাড ছাড ঐ ঘাটে লোক আসছে। [ রাম গলদেশ ছাঁড়িয়া দিল।

রাম। তাইত—তবে মুই এখন যাই। সতৃষ্ণনয়নে গোলাপীর প্রতি বারবার চাঙিতে চাঙিতে প্ৰস্থান।

গোলাপী। কি আশ্চর্য্য। এতদিন পরে ফেরার স্বামী সঙ্গে এখানে কি না হুগলিতে সাক্ষাৎ!—ও এখনো জানে না যে আমি ওর স্ত্রী। এখনো বলা হবে না। একটু মজা কর্তে হবে ওরে নিয়ে। যাই ছোট দিদিমণিকে সব বলিগে যাই! ওর অনেক আগে আমি যাব' খুনি—ওরে যে ভুল রাস্তা বলে' দিইছি। লোকটা মূর্খমূর্খ বটে,

কিঞ্চ সরল ধাতুর মানুষ। ফের পেরে নেহ। আর ও যে রকম  
মজ্জেছে, ও আমার হাতের পুতুলটি হয়ে থাকবে। আনিও ত্রৈ রকম  
বোকা সবল লোক ভালবাসি। তাদের বেশ খেলানো যায়। আগে  
বেশ একটু ঘোল খাওয়াতে হবে। তার পরে শোধ বোধ। দাঁড়  
বেলা গেল। [ প্রস্থান।

চতুর্থ দৃশ্য

স্থান নৌগরতন চট্টোপাধ্যায়ের অন্তঃপুর। কাল—সন্ধ্যা।

নিম্মলা, চপলা ও ঠাহাদের প্রতিবেশিনীদ্বয় প্রমদা

ও সাবদা একটি বিছানায় বসিয়া তাস

খেলিতে নিযুক্ত।

চপলা। | তাস কুড়াইয়া | এবার এসে।—বিন্দি—

প্রমদা। | তাস তুলিয়া | আমারও বিন্দি—

চপলা। তোমার ও ছুটো বিন্দি বেশ দাঁড়।—কি বড় ?

প্রমদা। সাহেব বড়

চপলা। তোমার বিন্দি পেনে না। আমার বিবি বড়।

প্রমদা। পেনাম না।—আমার যে সাহেব বড়—

চপলা। হলেই বা সাহেব বড়। সাহেবেব সেয়ে আজ কাল বিবি  
বড়। বিশ্বাস না হয় কল্কাতায় শেডেব মাঠে দেখে এস গিয়ে। তোমার  
বিন্দি পাবে না

প্রমদা। তোমার কথায় ন কি ?—আমার বিন্দি বৈল। বলে'  
রাখলাম কিঞ্চ—

সারদা। আর তকুরারে কাজ কি? আমার হাতে ইস্তক পঞ্চাশ।—এই দেখ [ তাস দেখাইলেন ]

চপলা। [ হতাশভাবে ] ইস্তক পঞ্চাশ!—আচ্ছা পেলো।

সারদা। তবে ধর পঞ্জা।

চপলা। পঞ্জা ধর্বে কি? ইস্তক পঞ্চাশের কাগজে পঞ্জা হয় না।

সারদা। মাইরি!—চাঁদবদনি!—ধর পঞ্জা [ পঞ্জা ধরিলেন ]

চপলা। ধর্বে?—ধর!—তুমিও ধর, আমিও ধরি। এস ধরা ধরি করে' তুলি [ উঠাইয়া দিলেন ]

প্রমদা। এ কি ভাই জোর না কি? [ পঞ্জা ধরিল ]

নির্মলা। কি করিস্ চপল খেলে যা না। ধরলেই বা পঞ্জা।

সারদা। দেখ দেখি!—সব রকম জ্যেঠা সওয়া যায় ভাই মেয়ে জ্যেঠা সওয়া যায় না। লেখাপড়া শিখলে সব মেয়েই এই রকম জ্যেঠা হয় নাকি?

চপলা। আচ্ছা তোমাদের পঞ্জা দিলাম। ভয়ই বা কি?  
আমরা ছক্কা ধর।

[ গোলাপীর প্রবেশ ]

গোলাপী। ছোটদিদিমনি, একবার এদিকে আসুন ত একট দরকারী কথা আছে।

নির্মলা। রোস যাচ্ছে।

চপলা। শুনেই আসিনে কি কথা! তোমরা ততক্ষণ তাস নাও। [ গোলাপীকে ] আচ্ছা চল ঐ পাশের ঘরে [ গোলাপীব সহিত প্রস্থান ] [ প্রমদা তাস দিতে লাগিলেন। ]

প্রমদা । চপলের আর সব ভালো, কেবল একটু ছোটো ।  
মেয়েমানুষ নরম সরম না হলে ভালো দেখায় না ।

সারদা । তারই জন্তে ত আমি মেয়েদের অমন জুতো মোজা  
পারে দিয়ে যেখানে সেখানে হেঁটে বেরোনা পছন্দ করিনে ।

নির্মলা । এখনও নিতান্ত ছেলে মানুষ কি না—আমার  
চেরেও চার বছরের ছোট ।

প্রমদা । তোমার বয়স কত ?

নির্মলা । এই ১৭ বছরে পড়িছি ।

সারদা । নে ভাই আর জালাসনে । তোর বয়স ২১ বছরের  
এক দিনও কম নয় । আর চপলও ১৬ বছরের হবে । তবে  
দেখায় বটে ছেলে মানুষ । বয়স সকলের বাড়ছে বৈ ত আর  
কমছে না দিদি ।

প্রমদা । হ্যাঁ, আমারই বয়স প্রায় ডেড় কুড়ি হ'তে চলো ।  
অথচ সারদা দিদি ত আমাকে জন্মতে দেখেছে বলেই হয় ।

সারদা । দেখ প্রমদা, তোর আর রঙ্গ দেখে বাঁচা যায় না ।  
তোর বয়স ডেড় কুড়ি হোক, দু কুড়ি হোক, আমার বয়সের কথা  
তুই কসনে বলছি । ছুঁড়ির আস্পর্শা দেখ না ।

নির্মলা । চপলা কোথায় গেল ? [ হাতের তাস দেখিতে ব্যস্ত । ]

[ রামকান্তের প্রবেশ ]

রাম । [ সাষ্টাঙ্গে প্রণিপাত করিয়া নির্মলাকে ] মাঠাকরুণ !  
পেরনাম হই ।

নির্মলা । [ চমকিয়া ] কি রাম কোথথেকে ?

প্রমদা । এ আবার কে ?

সারদা। [ নিশ্চলাকে ] তোর খশুড় বাড়ীর লোক বুঝি ।

নিশ্চলা। হ্যাঁ। [ রামকে ] বাড়ীর সব ভালোত ?

রাম। ভাল ত। তবে কর্তা ত রেগে একটা নতুন বিয়ে কর্তি যাচ্ছে ।

প্রমদা। বলিস্ কি ?

সারদা। [ নিশ্চলাকে ] এ ক্ষেপা না পাগল ?

রাম। [ সে দিকে কর্ণপাত না করিয়া ] তিনি ত আপনাদে খরব দিতে চায় না। মুই আপনা থেকে আলাম। ভাব্লাম সেটা কি ভাল হয় ?

প্রমদা। বলিস্ কি ? বাবুর আবার বিয়ে ?

সারদা। পুরুষগুলোর কি লজ্জা সরম কাও জ্ঞান নেই ? কবে বিয়ে ?

রাম। এই দোসরা বশেখ। বাড়ীতে ঘটা টটা হবে না। কেবল বিয়ে ।

প্রমদা। পাত্রী কোথায় ঠিক হোল ?

রাম। মেয়েটা ঐ পাবনা জেলার কি বলে—ঐ এক—কে যে হাকিম আছে—হ্যাঁ হ্যাঁ মহেশ ভাচার্য্যির মেয়ে। মেয়েটা দেখতে ধেন মেম ।

প্রমদা। বাবু আবার বিয়ে কর্তে গেল কেন ?

রাম। তাই মুই কি কর্ব। কত মানা কলাম। বাবু শোনে না।

প্রমদা। সখরু করে' দিল কে ?

রাম। ঐ কে— [ মস্তক কণ্ঠন করিতে করিতে ] তার নামটা খেরাল হচ্ছে না। সে সে দিন তিন ঘণ্টা ধ'রে বাবুকে ভজালো। বলে, বাবুর এ তিন পরিবারে ত কোন নাতি-পুতি হল না। কুল

রাখে কে?—মেয়েটা শুনি খুব করসা। বাবু তারে দেখেই পুরুত  
ডেকে দিন ঠিক কল্প—এই দোসরা বশেখ।

সারদা। আজ কোন্ তারিখ। ২০এ চৈত্রির না?

প্রমদা। গায়ে হলুদ এখনো হয় নি? [নির্মলাকে] তুমি দিদি  
কালই চলে' যাও। কথাটা ত ভালো নয়!

নির্মলা। আমি নিজেকে থেকে প্রাণ গেলেও সেখানে যেতে পার্ক  
না। আমি গলায় দড়ি দেব। আত্মহত্যা করব।

প্রমদা। তা স্বামীর বাড়ী ত নিজের বাড়ী। নিজেকে থেকে  
গেলেই বা?

সারদা। তা'ও কি হয়! সেই যে ছবি পাঠানো হইছিল?  
তাই দেখেই বা রেগে মেগে বিয়ে করবার মতলব করেছে—কে জানে?

[চপলার প্রবেশ]

নির্মলা। দেখ্‌দিখি চপল তুই কি কর্তে কি কল্পি! সেই ছবি  
পেয়ে উনি আর এক বিয়ে কর্তে যাচ্ছেন। এই চাকর নিজেকে  
থেকে খবর দিতে এয়েছে। তুই ত সব গোল পাকালি ভাই।

[ক্রন্দনোপক্রম]

সারদা। জানি ও সব ইস্কুলে পড়া মেয়েদের সবই বিদ্যুটি।

প্রমদা। একটু পড়তে শিখে ভাবে যেন সংসারে সব জানে।  
তুইই ত ভাই এই গোলটা পাকালি।

চপলা। [সম্বিতমুখে] তুমি কিছু ভেবনা দিদিমণি; কিছু  
গোলোযোগ হইনি। [রামকে] তোমার নাম রামকান্ত?

রাম। এজ্ঞে!

চপলা। কে আছ এখানে, পুলিশ ডাক। শীঘ্রি পুলিশ ডাক।



রাম । [ স্তব্ধে ] এজো বাবু বিয়ে কর্তি যাচ্ছে ত মুই কি কর্ব ?

চপলা । আমাদের সঙ্গে চালাকি ! তোমার নাড়ী নক্ষত্র সব জানি । তোমার আদত নাম বেচারাম—নর ?

রাম । [ স্তব্ধে ] এ—এজো । কেমনে জানলে ?

চপলা । এত দিন ফেরার ছরে নাম তাঁড়িয়ে লুকিয়ে ছিলে, বটে ! তার ওপর আমাদের কাছে মিছে কথা ?—বাবুর বিয়ে না ? পুলিশ ডাক বুলছি কেউ । ফেরারী আসামী পাওয়া গিয়েছে, ছাড়া হবে না । রোস, তোমায় চপ ক'রে ধাব । এই যে আছে একে বাধ আর পুলিশ ডাক ।—বাবুর বিয়ে ?

রাম । [ কম্পিত হেঁচে সরোদন স্বরে ] এ—এজো—না—না— মুই সত্যি বুলছি । মোরে পুলিশে দিও না ।

চপলা । একনি বুল । বাবুর বিয়ে ?

রাম । এজো না ।

চপলা । তবে একনি মিথ্যে বুলছিলি কেন ?

রাম । এ—এজো—বাবু বুলতি বলে' দিইছিল ।

চপলা । তোরে এখানে কে পাঠিয়েছে ?

রাম । এ—এজো—বাবু ।

চপলা । কেন ?

রাম । মা ঠাকুরশকে নিতি । বাবু কয়ে দিল যে তোর মা ঠাকুরশকে ছদ করে' নিয়ে আসতে পারিস, যাতে মাঠাকুরশ না আন্তি পারে যে বাবুই তারে আন্তি মোক পাঠিয়েছে ? মুই বল্লাম, না বাবু মুই মিথ্যে কইতি পার্ক না । আর মাঠাকুরশের সাথ চালাকি কি কর্তি পারি, তা বাবু ছাড়ে না । মুই দ্যাখলাম, রাম মাসেও

মরিছি, রাবণ মাল্লেও মরিছি। কি করি? বাবু যা বল্লে তাই কর্তি রাজি হলাম।

চপলা। [ নিশ্চল্যাকে ] নেও দিদিমনি হল !

নিশ্চল্য। [ প্রসন্ন ] বটে। আমার সঙ্গে এত দূর চালাকি, তাকে একটু জ্ঞান কর্তে পারিস্ চপল ?

প্রমদা। তা'লে যেমন কুকুর তেমনি মুণ্ডুর হয় বটে।

চপলা। সে ভার আমার। তাঁকে বেশ ছই এক চুবনি দেওয়া যাবে' খনি! [ রামকে ] দেখ্ তো'র মুনিবের সঙ্গে একটু জোর চালাকি খেলতে হবে।

রাম। মুনিবের সামনে মুই মিথ্যে কইতি পারি না।

চপলা। ভারি সত্যবাদী! তো'র মাঠাকরুণ সাক্ষাতে সটাং মিথ্যে বলি—আ'র বাবুর সাক্ষাতে মিথ্যে বলতে পারিস্ নে!—নইলে পুলিসে দেব, মনে থাকে যেন।

রাম। [ পুনর্বার কম্পিত ] এজ্জে তবে যা কর্তি কও তাই করি।

চপলা। আচ্ছা কি বলতে হবে, পরে বল্ব খন। এখন যা!

রাম। [ যাইতে যাইতে ] গোলাপীর শেষে এই কাজ। এখানে এসে সব কথা ফাঁস করে' দিয়েছে। আগে তার সাথে দেখা হোক। পরে তার সাথে বুঝোপড়া আছে।

[ প্রস্থান।

নিশ্চল্য। [ চপলাকে ] কি ক'রে জ্ঞান করা যায়?

চপলা। ব্যস্ত হও কেন? দেখোনা তো'মার সামনেই তাঁরে বেশ ঘোল খাওয়াব, আ'র ভেড়া বানা'ব।

[ পটক্ষেপ।

## শপ্তম দৃশ্য

[ স্থান—কৃষ্ণনগরে গোবিন্দের শয়ন-ঘর ।  
কাল—প্রথমরাত্রি । গোবিন্দ একটা টুলের উপর  
বসিয়া তামাক খাইতেছিলেন ]

গোবিন্দ । রামা বেটার কোন খোঁজ খবর পাওয়া যাচ্ছে না যে ।  
বেটা রাস্তার নিশ্চয় মরেছে । সত্যি সত্যিই স্ত্রীর জন্তে আমার মনটা  
কেমন কচ্ছে । ইন্দু আজ আবার চিঠি লিখেছে যে, তার আবার হঠাৎ  
অর বিকার হইছিল তবে বাঁচবার আশা এখনও আছে । সত্যি  
না কি ! যাহোক তাহোক, সে এলে বাঁচি । একবার নিজেই যাব  
নাকি !

[ বালকবেশে চপলার প্রবেশ ]

গোবিন্দ । কি হে ছোকরা, কথাবার্তা নেই, তুমি যে একেবারে  
হন্ হন্ করে' শোবার ঘরের মধ্যে চলে' আস্ছ ।

চপলা । [ সে দিকে কর্ণপাত না করিয়া একেবারে কোণে গিয়া  
ছাতি রাখিয়া বিছানার উপবেশন ] এঃ জুতোটা ভারি ঝাঁটো হয়েছে ।  
এই কে আছিল্—জুতোটা খুলে দেত—আপনার নাম গোবিন্দ বাবু !  
ভদ্রলোক এল, পান আশ্বে বলুন না । না আমি তামাক খাইনা ।  
উঃ ! ক্ষিদেও পেয়েছে । এখানে কে আছে ? ঝি, ও ঝি !

[ ঝির প্রবেশ ]

চপলা । দেখ্, এক সের খুব ভালো সন্দেশ, এক পোয়া  
বাজারের কচুরি আমি খাই না

ঠাকুরকে বল যে, শীগ্গির খান কুড়িক লুচি ভেজে এনে দেয়।  
শীঘ্রই চাই। আর আট পরস গোলাপী খিলি। [গোবিন্দকে]  
ঘরে বোধ হয় ভালো আঁব নেই? গোটা দুই ভালো নেংড়া  
পাস্ যদি নিয়ে আসিস্।—নতুন উঠেছে টাকার চারটে করে—  
শীঘ্রই নিয়ে আয়। [গোবিন্দকে]—একটা টাকা দেন ত।  
বাঃ! এই বালিসের নীচে টাকা রয়েছে যে। এই নে [বলিয়া একটা  
টাকা ঝনাৎ করিয়া ফেলিয়া দিলেন]

ঝি। এ আবার কে রে? বাবুর সম্বন্ধি বুঝি। [টাকা লইয়া  
প্রস্থান]

চপলা। আপনার বাড়ীটি ত বেশ। ক'টা ঘর? খাসা বারান্দা  
আছে দেখছি। [উঠিয়া পরিভ্রমণ] বাঃ খাসা খোলা ত। দক্ষিণ দিক  
এইটে না! এখানে একটা জানালা বসিয়ে নেবেন।

গোবিন্দ। [তিনি এতক্ষণ অবাক হইয়া বালকবেশী চপলাকে  
দেখিতেছিলেন, এখন বাক্যযন্ত্র পরিচালনাক্রম হইয়া কহিলেন] আ—  
আপনার নাম?

চপলা। পশ্চিমদিকেও ছোট একটু বারান্দা আছে দেখছি। ওটা  
কি? বাজার না? এখেন থেকে কলেজ কত দূর? কি? আমার  
নাম জিজ্ঞাসা কচ্ছেন। আমার নাম শ্রীহৃদয়নাথ চৌধুরী—

গোবিন্দ। [স্বগত] চেহারা দেখেও নামটা হৃদয়নাথ হৃদয়নাথ  
বলেই বোধ হচ্ছে। বেশ মোলারেম চেহারা খানি।

চপলা। আপনি বোধ হয় আমার মাথায় এত বড় পাগড়ি দেখে  
আশ্চর্য্য হছেন। এ পাগড়ি স্বয়ং আকবর সা—আকবর সার নাম  
অবশ্যই শুনেছেন—তিনি নিজের হাতে আমার প্রপ্রপ্রপ্র পিতামহকে

কটা 'প্র' হলো! ৬টা ত? তা'বেই হয়েছে—অর্থাৎ আমার এক পূর্বপুরুষকে দিয়ে যান। তার পর ১৭০৭ সালে নবাব আলিবর্দি খাঁ আমার প্রপিতামহের কাছে থেকে রামনগরের যুদ্ধে তাঁরে হারিয়ে এটা কেড়ে নেয়। পরে আর এক যুদ্ধ হয়—সেটা বৃষ্টি রাবণপুর—সেখানে তিনি আলিবর্দিকে হারিয়ে এটা ফিরে পান। তার পর থেকে এ পাগড়ি বরাবর আমাদের বাড়ীতে আছে। একবার নবাব খাজা খাঁর এটির প্রতি লোভ হয়। তা নিতে পারেন নি।—আমার প্রপিতামহ রাজা প্রচিন্দ্র নারায়ণ চৌধুরী বাহাদুরের সঙ্গে প্রতাপগড়ে তাঁর যুদ্ধ হয়। তাতে তিনি হটে' যান। একটা গুলি তাঁর ডান চোখে লাগে, তাতেই তিনি ক্রাণা হয়ে যান। বোধ হয় জানেন, নবাব খাজা খাঁর এক চোখ কাণা ছিল।

গোবিন্দ। [ অন্তমনস্কভাবে ] না, সেটা আমি অবগত নই।

চপলা। তাঁর দুই স্ত্রী ছিল। এক বেগম তিনি আমার পিতামহ রামরতন চৌধুরীকে দিয়ে যান। আর একটি বেগমের বিষয় ইতিহাসে কিছু লেখে না।—বাঃ! পান সাজা রয়েছে যে—তা এতক্ষণ কলতে হয়। না, আপনার উঠতে হবে না—আমিই হাত বাড়িয়ে নিচ্ছি। [ একটি পান লইয়া চর্ষণ ] বাঃ! সর্ব্ব্বৎ রয়েছে—পানটা আগে খেয়ে ফেললাম! আমার বাড়ী কোথায়, তা জান্তে বোধ হয় আপনার কৌতূহল হচ্ছে। সে শুন্দে আপনি আশ্চর্য্য হবেন। আমার জন্ম হয় ম্যাড্যাগাস্কার দ্বীপে। ম্যাড্যাগাস্কার কোথায় জানেন? ইটালি বলে' যে একটা সহর আছে, তারই ঠিক একবারে ধারে। উত্তর দিকে।—না না, উত্তরপশ্চিম কোণায়। সেখেন থেকে দেখা যায়। আমার বং তাই এত কসাঁ। সেখানে আমার মা প্রতি

বহু একবার করে' যান। সেখানে এখনও আমাদের একটা বাড়ী আছে।

গোবিন্দ। কিন্তু এ দীনের বাড়ীতে হঠাৎ—

চপলা। হাঃ হাঃ হাঃ! এখানে এইছি কেন? কেন' তাতে আপনার আপত্তি আছে? আপনার কাছে একটু প্রয়োজন আছে। বলছি—হাঁফ জিরিয়ে নেই আগে। যে যুরিছি আজ! কোথায় কৃষ্ণনগর, কোথায় হুগলি।—আপনার স্বশুরবাড়ী হুগলি না? আমি সেখেন থেকেই আছি। আপনার স্বশুর আমাদের তালুকদার, তা বোধ হয় জানেন?

গোবিন্দ। না, সেটা এত দিন জানা ছিল না।

চপলা। বাবা আমার জমিদারী কাজ শেখাবার জন্ত বলেছেন যে, আমায় নিজেই খাজনা আদায় কর্তে বেরোতে হবে—তাই আমি বেরিয়েছি। আমার উদ্দেশ্য দেশ দেখে বেড়ান, আর আপনার মত দশজন ভদ্রলোকের সঙ্গে আলাপ করা। বাবা ভারি কড়া লোক। খাজনা কারও বাকি থাকবার যো নেই। বাকি হইলেই ডিক্রি জারি। আপনার স্বশুরাণয়ে খাজনা আদায় কর্তে গিইছিলাম। তা কাল সেখানে হঠাৎ একটা দুর্ঘটনা হওয়াতে সব খাজনা বকেয়া হয়ে গেল। বাড়ীতে এমন দুর্ঘটনা, কি করেই বা খাজনা চাই? কিন্তু এক হপ্তা পরে আবার যেতে হবে। তখন আপনার স্বশুর খাজনা দিতে না পাল্পে আমার তাঁর নামে ডিক্রিজারী কর্তে হবে। বাবার ভারি কড়া কড় হুকুম। কি কর্ব বলুন।

গোবিন্দ। [ উৎকণ্ঠিত স্বরে ] তাঁর বাড়ীতে কি দুর্ঘটনা হয়েছে বলতে পারেন?

চপলা। তা ঠিক জানিনে। তাঁর একটি মেয়ে মারা গিয়েছে শুনিছি।

গোবিন্দ। এঁরা—কোনটি ?

চপলা। তা জানিনে ? বড়টি কি ছোটটি। যেটির বিকার হইছিল।

[ বির জলখাবার লইয়া প্রবেশ ]

চপলা। এই যে জলখাবার এয়েছে। ঝি, এক গেলাস জল। [ বির প্রস্থান ] এখানে বরফ পাওয়া যায় না ? তা হোক [ আহারান্তে ] কিছু মনে কর্বেন না। বাঃ এখানে খাসা জলখাবার পাওয়া যায় ত। কৃষ্ণনগরের সরভাজা সরপুরিয়া করমাজ না দিলে ভালো পাওয়া যায় না শুনিছি। সঙ্গে দু' হাঁড়ি নিয়ে যেতে হবে যাবার সময়। আজ আমি এখানে থাকব, যদি আপনার আপত্তি না থাকে।—আপনার বাড়ীটা আর একটু রাস্তার ধারে হ'ত ত খেতে খেতে রাস্তার লোকের যাতায়াত দেখা যেত। ওটা দেখতে আমি বড় ভালো বাসি। [ আহার শেষ করিয়া সর্ব্বৎ পান করিয়া পান খাইয়া বিছানায় শয়ন ] আঃ বাঁচা গেল। আমি এই খাটেই শোব'খুনি। আপনি অন্তত শোবেন। আপনি ভারি ভদ্রলোক। দেখছি আপনার মুখ বিবর্ণ হয়ে গেল কেন ? আপনার স্বপ্তরের নামে ডিক্রিজারি করা বাবার কড়া ছকুম না হলে সেটা রহিত কর্তাম। আচ্ছা দেখুন, আপনার খাতিরে না হয় এক মাস কাল অপেক্ষা কর্তে পারি। তাঁদের বাড়ীতে দুর্ঘটন—আর আপনার মত ভদ্রলোকের স্বপ্তর। না, মেয়েটি বুদ্ধি মরে নি। তবে মরমর বটে।

গোবিন্দ। ( সাগ্রহে ) তবে এখনও বেঁচে আছে !

চপলা । হাঁ—মরার দাখিলই । কলকাতার নয়নচাঁদ সার্কভৌমকে চেনেন । সে ভারি মস্ত কবিরাজ । সে একবার তিন কিলে পিলে আরাম করে' দিইছিল । আবার একদিন চুণোগলির এক ফিরিঙ্গি রাগে তার স্ত্রীর মাথা কেটে ফেলেছিল । পরে রাগ পড়লে নয়নচাঁদ সার্কভৌমকে নিয়ে এল । তিনি মাথাটা কুকুর দিয়ে খাওয়ালেন— অমনি আরাম—গোর দিতে হলো না তিনি নাকি এক সাপে কামড়ানর ওষুধ বার করেছেন যে, সাপে কাউকে কামড়ালে সে ওষুধটা সাপের মাথায় যে দেওয়া, সেই সব আরাম ।

গোবিন্দ । [ সবিস্ময়ে ] বলেন কি !

চপলা । আমার ঠাকুর্দাকে একবার একটা বাঘে কামড়িছিল । সমস্ত ধড়টা পেয়ে ফেলেছিল । নয়ন চাঁদ কবিরাজ এল, এসে একটা গরুর ধড় লাগিয়ে বেঁধে কি ওষুধ লাগিয়ে দিল, অমনি জোড়া লেগে গেল । আমার ঠাকুর্দা দিন গেলে বরাবর এক সের দেড় সের করে' দুধ দিয়ে এয়েছেন ।

গোবিন্দ । না না, তাও কি হয় !

চপলা । আশ্চর্য্য ! যার কাছে এটা বলেছি, সেই অবিশ্বাস করেছে ; কিন্তু হিন্দুভৈষজ্য শাস্ত্রে কি সব আশ্চর্য্য ওষুধ আছে, তার ত খোঁজ রাখে না ।

গোবিন্দ । বটে ! যে বাঘটা খেইছিল সে বাঘটা কত বড় ?

চপলা । সে বাঘটা ৩০ ফুট লম্বা আর পৌনে দশ ফুট উঁচু । ঠাকুর্দা—সেটাকে যে গুলি মেরেছিলেন, তাতেই ওছট মেরে পড়ে' গিয়ে ধরা পড়িছিল । এখন সেটা কলকাতার চিড়িয়াখানায় আছে । ঢুকতেই ঠিক ডান দিকে ।



গোবিন্দ । তবে সে কবিরাজকে আনাঙ্গ হয় !

চপলা । তা হ'ত । কিন্তু তাঁকে ত আর পাবার যো নেই । তিনি  
হাওয়া বদলাতে এরাকানে গিয়েছেন । [ শিষ মিলেন ] [ বেগে  
ক্রমকান্তের প্রবেশ ও ভূমিতে লুপ্তন ] [ চপলার প্রস্থান ]

রাম । [ ক্রন্দন স্বরে ] বাবু কি হবে ! কি হবে !

গোবিন্দ । [ ব্যগ্রভাবে ] কি ! কি !

রাম । মোর গিন্নী ঠাকরুণ—ওঃ—[ সুদীর্ঘ নিঃশ্বাস ]

গোবিন্দ । গিন্নী ঠাকরুণ কি ?—জ্বরে মারা গিয়েছে বুঝি ? ? ওঃ !  
যা ভেবেছি তাই । ওগো তুমি আমার ফেলে কোথায় গেলে গো !  
[ ভূতলে পতন ]

রাম । অর টর রোগ টোগ কিছু হইনি গো, রোগ ত তার ছোট  
বোনটির—মোদের গিন্নী ঠাকরুণ—বাবারে—কি হলরে ।—

গোবিন্দ । কি হল, বল না শীঘ্রের খুলে ।

রাম । তাঁর শরীর ত বেশ ছিল—কিন্তু—

গোবিন্দ । কিন্তু কি ?

রাম । যেদিন আপনার বিয়ের কথা মিছে করে' বলি গো, মিছে  
করে' বলি—সে দিন—ওঃ—

গোবিন্দ । সে দিন কি ?

রাম । তাঁর শোবার ঘরে রাতে দুয়ের দিবে, আফিঙ শুলে—

গোবিন্দ । খেলে বুঝি ! [ বসিয়া পড়িয়া ] ওগো আমার কি হবে  
গো ! কেন মিছে করে' বলতে বললাম —

রাম । এম্বে না । আফিঙ খায়নি ।—তবে—

গোবিন্দ । [ উঠিয়া ] খাইনি । আবার তবে কি ?

রাম। আফিও গুলে' খানিক ভেবে চিন্তে, সেটা জানালা দিয়ে ফেলে দিল।

গোবিন্দ। তবু ভালো। অমন করে' বলে? ভয়ে আত্মপ্রাণী শুকিয়ে গিইছিল। [ উঠিয়া'গা ঝাড়িলেন ]

রাম। কিঙ্ক—

গোবিন্দ। আবার 'কিন্তু' কি ?

রাম। সে ঘরে আড়ার চারগাছ লম্বা দড়ি বুলত। যা'তে বিছানা তোলা থাকত গো বিছানা তোলা থাকত—

গোবিন্দ। সে দড়ি কি হয়েছে ?

রাম। সে দড়িগুলো খুলে নিয়ে এক সঙ্গে লম্বা কবে' বেঁধে—  
উঃ হঃ হঃ—

গোবিন্দ। গলায় দড়ি দিল কুন্নি ? [ বসিয়া পড়িয়া ক্রন্দন ]

রাম। এজ্ঞে না গলায় দড়ি দেই নি—

গোবিন্দ। এঁ্যা—দেই' নি ? [ উঠিয়া ] তবে কি হল শীঘির বন্ ।

রাম। সেই দড়িগুলো এক সঙ্গে বেঁধে তাব .সিক্কক পেট্রাতে কাপড় গহনা পত্তব পূরে, সে গুলো ত কবে' দড়ি দিয়ে বাঁধল। তার পব সে গুলো নৈহাটি ইষ্টিশনে একখানা গরুর গাড়ী করে' কখন যে পাঠিয়েছে কেউ জাস্তি পারি নি গো—

গোবিন্দ। অঁ্যা—[ বসিয়া পড়িলেন । ]

রাম। তারপরে সেই যে এক বকা ছোঁড়া তাদের বাড়ী থাকত—  
তার চেহারাখানা বড় ভালো গো, চেহারাখানা বড় ভালো।—তার সঙ্গে একবারে—উঃ হঃ হঃ হঃ—বাবারে—

গোবিন্দ। নিরুদ্দেশ বুঝি? তোরা পিছু পিছু ইষ্টিশনে যেতে  
পাল্লিনে?

রাম। যাইনি কি? উঃ—ভদ্র লোকের ঘরে—

গোবিন্দ। গিয়ে দেখলি যে তারা নেই? ওঃ! যা ভেবেছিলাম  
তাই।—সে হতভাগা ছোড়ার চেহারা দেখেই ধারাপ মতলব টের  
পেইছি। [ক্রন্দন।]

রাম। এজ্ঞে না। মোরা ইষ্টিশনে গিয়ে দেখি, মাঠাকুরুণ রেল  
গাড়ীতে উঠলেন।

গোবিন্দ। এঁা—তোরাও উঠতে পাল্লি নে?

রাম। —এ এজ্ঞে উঠেই ত মাঠাকুরুণকে সঙ্গে করে, নিয়ে আলাম।  
এই যে মাঠাকুরুণ আপনিই আসছে। [এক দিক দিয়া রামকান্তের  
প্রস্থান, অপর দিক দিয়া নির্মলার প্রবেশ]

নির্মলা। [মাটিতে পড়িয়া] ওগো আমার স্ত্রী কোথায় গেল  
গো! যা ভেবেছিলাম তাই হয়েছে গো—[উঠিয়া] একবারে যে কেঁদে  
ভাসিয়ে দিলে? আনতে লোক না কি পাঠাবে না বলিছিলে?

গোবিন্দ। [স্বগত] একি সত্যিই গৃহিণী স্বয়ং উপস্থিত, না স্বপ্ন  
দেখছি? স্বপ্নে মতিভ্রমতি কিম্বিদমিন্দ্রজ্বালম্। সব কথা ফাঁস হয়ে  
গিয়েছে দেখছি। সব রামা বেটার বজ্জাতি দেখছি। ছোকরাটা  
গেল কোথায়? রামা বেটাই বা গেল কোথায়? [প্রকাশ্যে] তা এ  
দীনের বাড়ীতে যে ভবদীয় ব্যক্তির স্মার মহতের পদার্পণ হয়েছে—সে  
আমার স্মার হীন জনের পরম সৌভাগ্য! তবে এ ষড়যন্ত্র কেন?

নির্মলা। তুমিই বা কম করিছিলে কি? তোমার বিয়ে না?  
কবে? আমরা বরণ টরণ কর্তে এলাম। বৌ কৈ গো!

গোবিন্দ । পাত্তীটি হঠাৎ মারা গিয়েছে ।

নির্মলা । বটে !—তোমায় দেখে আতঙ্কে না কি ?

গোবিন্দ । [ স্বগত ] আর চালাকিতে কাজ কি ? কার কত দূর দৌড় দেখা গিয়েছে । [ প্রকাশ্যে ] আমারই হার ! তোমার জিত হলো ? এই যে ইন্দু যে, আবার ইটি কে ?

[ ইন্দুভূষণ ও স্ত্রীবশে চপলার প্রবেশ ]

ইন্দু । তা গোবিন্দ বাবু ঠিক বলেছেন । প্রেমের পাশাখেলার রমণীদের চিরকালই জিত । এখন আপনার সঙ্গে—আমার নবোঢ়া বুদ্ধিমতী সুন্দরী পত্নী ও আপনার শ্রালিকা চপলা দেবীর আলাপ করে' দেই । চপলা ! ইনিই গোবিন্দ বাবু—গোবিন্দ বাবু ! ইনিই—চপলা কেমন গোবিন্দ বাবু, আমার স্ত্রীটি বুদ্ধিমতী ও সুন্দরী কি না ?

গোবিন্দ । [ অন্তমনস্ক ভাবে ] হ্যাঁ সুন্দরী বটে । কিন্তু ঠুর বুদ্ধিমত্তার এখনও পরিচয় পাইনি ।

ইন্দু । পেয়েছেন বৈ কি ? এখনই যিনি এই বিছানার উপরে হৃদয়নাথ চৌধুরী রূপে অধিষ্ঠিত হইছিলেন, তিনি ইনি ভিন্ন আর কেউ ন'ন ।

গোবিন্দ [ যেন আকাশ হইতে পড়িয়া ] এঁ্যা—ইনি কি এঁর, সহোদরা ! একটু মাংসটি বিভাগ করে' নিলে হত না ।

ইন্দু । এ দাস তাঁর আজ্ঞাবহ । তাই তাঁর আজ্ঞাক্রমে আমি আপনাকে যথাক্রমে দুইখানি অলীক সংবাদপূর্ণ পত্র লিখেছি । মার্জনা কর্বেন ।

চপলা । স্বামী ! তোমার বক্তব্য শেষ হয়ে গিয়ে থাকে যদি, তবে আমার তিনটি প্রার্থনা আমার ভগ্নীপতির সম্মুখে জ্ঞাপন করি ।

গোবিন্দ । আজ্ঞা করুন । গোবিন্দচরণ মুখোপাধ্যায় 'কর্ণধর' উচ্চ করিয়া আছেন ।

চপলা । প্রথমতঃ মিবেন—আপনি—আপনার ভাষ্যা অর্থাৎ মন্তব্যীকে সাদরে অভ্যর্থনা সহকারে গ্রহণ করুন । কারণ, আমি শপথ-সহকারে বলছি যে তিনি আপনার সতী সাধবী ও অমুরক্তা স্ত্রী ।

গোবিন্দ । তথাস্তু । তবে—

চপলা । [ কর্ণপাত না করিয়া ] দ্বিতীয়টি এই যে, আপনার বিশ্বাসী ভৃত্য রামকান্তের সম্প্রতি অভূতোচিত ব্যবহার মার্জনা করুন ।

গোবিন্দ । তথাস্তু । কিন্তু একটা কথা জিজ্ঞাসা করি—

চপলা । তৃতীয়তঃ আমাদের বন্ধু শ্রীশরৎকুমার হালদারের সঙ্গে আপনার পরিচয় করিয়ে দেই । [ উচ্চৈঃস্বরে ] রামকান্ত ওফে' বেচারাম, আর গোলাপী ওফে' শরৎকুমার ।

[ রামকান্তের ও গোলাপীর প্রবেশ ]

চপলা । ইনিই উক্ত শরৎকুমার হালদার, আসল নাম গোলাপী, এ রামকান্তের বহুদিন পূর্বে পরিণীতা ভাষ্যা ।

গোবিন্দ । রামা ! সত্যি ?

রাম । এজ্ঞে, মুনিবের সামনে কি মিথ্যে কইতি পারি—ইনিই মোর ইষ্টদেবতা ।

গোবিন্দ । পারিসনে বটে ?—তবে এতক্ষণ কি হচ্ছিল ? বেটা আমার সঙ্গে চালাকি ?—লাঠিগাছটা গেল কোথা !

চপলা । আপনার প্রতিজ্ঞা শ্রবণ করুন । আর, কাকেও সাজা দিতে হর ত আমাকে দেন ।

গোবিন্দ । শালিকার চিরকালই সাত খুম, মাক ! আমি যদিও

স্বভাবতই ‘বজ্রাদপি কঠোরানি,’ তথাপি দরকার হলেই তখনই আবার ‘মৃদুগি কুসুমাদপি’ হ’তে পারি।

চপলা। গোবিন্দ বাবু স্ত্রীকে বাপের বাড়ীতে পাঠিয়ে নিজে মোটা হওয়া যদিও স্ত্রীর প্রতি স্বামীর ভালবাসার লক্ষণ বলে’ আমার বোধ হয় না, তবে আমাদের বিশ্বাস আপনার নবোঢ়া স্ত্রীর প্রতি আপনার ভালবাসা আছে—সেটা প্রকাশ কর্তে লজ্জিত হবার কোন কারণ দেখিনে। স্ত্রী অভিমান করে, স্বামীর কাছে আদর প্রত্যাশা করে বলে’—স্বামীর কর্তব্য নয়, যে অভিমানকে পারে ঠেলা। দুর্বল রমণীজাতির অভিমান আর অশ্র ছাড়া আর কি প্রহরণ আছে ?

গোবিন্দ। কেন ? সম্মার্জনী। [ নির্মলাকে ] কি বল ?

ইন্দু। সে উনি আপনাকে নেহাইং আপনার লোক বলেই মারেন—নইলে আমাকে ত আর মার্তে ঘাননি —

গোবিন্দ। [ নিম্নস্বরে, মস্তক-কণ্ঠয়নসহকারে ] কিন্তু মধ্যে মধ্যে মাত্রাটা বেশী হয়ে যায় যে—

নির্মলা। কোন্ শালী আর তোমাকে ঝাঁটার বাড়ি মারে !

গোবিন্দ। দোহাই ধর্ম !—মধ্যে মধ্যে দুই এক ঘা দিও ! সেটা যে মোতাত হয়ে গিয়েছে। অমন সঞ্জীবনৌষধিরম নিম্পীড়িতেন্দুকরকন্দজ জিনিস ছাড়তে আছে ?

চপলা। তবে এখন এই বিরহের পালা শেষ করা যাক—

ইন্দু। রাধিকার বিরহ নিয়ে কত কবিতা নাটক ছড়া হলো, কিন্তু এ বিবহটির বিষয় কেউ লেখে না,—এই দুঃখ। দেখি যদি কেউ এই বিষয়ে একথানা নাটিকা লিখতে স্বীকার হয়।

চপলা । তবে এখন মকলাচরণ করে' আপাততঃ পালাটা শেখ  
করাই বিধেয় ।

[ সকলের গীত ]

( সুর বাউল )

পুরোনো হোক ভাল হাজার হার পো এমনি কলির বাজার ;  
মাঝে মাঝে নতুন নতুন নৈলে কারো চলে না ।  
নিতাই শোলাও কোর্পা আহার বল ভালো লাগে কাহার ?  
আমার ত ত ছ'দিন পরে গলা দ্বিগে গলে না ।  
ছ' চার বর্ষ হ'লে অতীত চাবার জমি রাখে পতিত ;  
নইলে সে উর্করা হলেও বেশী দিন আর ফলে না ।  
নিতাই যদি কার্য না পাই প্রাণটা করে হাঁফাই হাঁফাই ,  
যদিও ঘুমিয়ে থাকলেও কেউ কিছুই বলে না ?  
ক্রমাগত টপা খেয়াল ডাকে যেন কুকুর শেয়াল,  
কতাহ অঙ্গরা দেখলেও তাতে মন টলে না ।  
এক স্ত্রী নিয়ে হ'লে কারবার, ঝালিয়ে নিতে হয় ছ' চারবার—  
বিয়হ আনতি স্তির মেয়ের আঙন জলে না ।

স্ববনিকা-পতন

—

## পাত্র

( পুরুষ )

গোবিন্দচরণ মুখোপাধ্যায়—কৃষ্ণনগরে ও কিঞ্চিৎ বিয়সসম্পন্ন পণ্ডিত ।  
বয়স একোত্রিশ, বর্ণ 'হাফ্. আখড়াই' গোছ—'হাফ্.' গোর ।  
শিরোদেশে টাক ও টিকি ; গুন্দাডিবিস্তৃত । চেহারা সুন্দর ;—  
দীর্ঘ নাসিকা, প্রশস্ত ললাট, চক্ষু দুটি বড় না হইলেও আয়ত ও তীক্ষ্ণ,  
হাস্তময় ওষ্ঠ, বিভক্ত চিবুক । একহারা ; বিবাহের পর একটু 'গায়ে  
পুরস্ক' হইয়াছিলেন ।

ইন্দুভূষণ বন্দ্যোপাধ্যায়—গোবিন্দের ভায়রাভাই । হুগলি কলেজের  
উত্তীর্ণ 'গ্রাডুয়েট ( বি, এ, ) ও নবনিযুক্ত ডেপুটি ম্যাজিষ্ট্রেট । বয়স  
পঞ্চবিংশতি । বর্ণ সুগোর । সুপুরুষ ।

রামকান্ত ওফে' বেচারাম ঘোষ—গোবিন্দের ভৃত্য । বেটে, কালো,  
মাথায় ঝাঁকড়া চুল ।

গদাধর, পীতাম্বর, বংশীবদন, ছবিওয়ালা, অর্জুন ও নিতাই  
ইত্যাদি ।



( স্ত্রী )

নির্মলা । গোবিন্দের তৃতীর পক্ষের স্ত্রী । বয়স উনবিংশতি । বর্ণ  
শ্যাম । দীর্ঘ অতি স্থূল ও প্রশস্ত দেহ । ক্ষুদ্র ললাট, আয়ত চক্ষু,  
প্রশস্তস্থলাধরা, দীর্ঘকেশী । পায়ে মল পরিতেন ও গায়ে প্রচুরপরিমাণে  
গহনা পরিতেন ।

চপলা । নির্মলার ভগিনী ও ইন্দুভূষণের নবোঢ়া স্ত্রী । অণ্ডার-  
গ্রাডুয়েট । সুরূপা, কুশাসী, গৌরী, দীর্ঘপক্ষ্মনেত্রী, হাশুময়ক্ষুদ্রোষ্ঠী ।  
কামিজাদি ও জুতা মোজা পরিতেন ।

গোলাপী । একটি চাষার কন্যা ।

চাঁপা, জুঁই, বেলা, মল্লিকা, দামিনী, যামিনী, প্রমদা ও সারদা  
ইত্যাদি ।

---

















